

Beweis

u.

Erzählung
etc.

1574.

Jf
39982









34-9826.
Beweis vnd Erzelung/
In welchen stücken vnd
Reden/die jetzigen Prediger zu Mansfelt/
vnd ire Verwandten / sich mit den alten Ma-
nicheern/ vergleichen.

Auff iren Troß/vnd vielfaltige anforde- 353
rung/Auch zu widerlegung beschwerlicher
Salumntien/geschrieben
Durch

Die Prediger zu
Eisleben.

1903 1739
Psalm. 59.

Ihre Vere ist eitel Sünde/vnd verharren
auff irem Hoffart / Vnd Predigen eitel
Fluchen vnd Widersprechen.

I S 7 4.

Handwritten text in Gothic script, likely a title or header, appearing as bleed-through from the reverse side of the page.

Second line of handwritten text in Gothic script, also appearing as bleed-through from the reverse side.



Third line of handwritten text in Gothic script, appearing as bleed-through from the reverse side.

Small handwritten numbers or characters at the bottom of the page, appearing as bleed-through from the reverse side.



Allen Gottseligen/ vnd Wahrheit liebenden Christen.

Gottes gnade vnd erleuchtung
des heiligen Geistes/ die Wahrheit
zu erkennen/ vnd bey derselben be-
stendig zuuerharren.



Siewol wir in vnserer ne-
hesten Schrifft angezetget / das
wir mit derselben beschliessen /
vnd vnsern Widersachern / auff
ir vnerfindliches mutwilliges le-
stern/ vnd liegen/ vnd offentlichs
Calumniren hinfort nicht mehr
antworten wolten. Vnd zwar
auch noch bedacht sein (so fern es möglich ist / das wir
darbey bleiben können) bey solcher vnserer meinung zu
verharren. Sintemal sie mit keiner antwort/ sie sey so
richtig / vnd gründlich als sie immer wolle / gesettiget
sein. So müssen wir doch itzund dis Büchlein zum
uberflus ausgehen lassen / Darinnen wir furnemlich
die Punct vnd Stücke erzelen sollen/ vnd wollen/ in wel-
chen unsere widersacher/ die itzigen Prediger zu Mans-
felt/ vnd die inen anhangen/ sich mit den alten verdam-
pten Manicheern vergleichen/ Eben ire worte/ vnd re-
den führen vnd gebrauchen.

Vorrede.

Zum beweis dieses Stückes / dringen vns vnser
Widersacher / mit iren ernstestn trohigen worten / da sie
also schreiben: Wir wollen hiermit trotz gebot-
ten haben / das sie die vnsern in einigem
Artickel / vnser Christlichen Glaubens /
aus Gottes Wort / vnd Schrifften Luthe-
ri / des Manicheischen / oder anders Irr-
thumbes (dessen sie / die Gegenteil selbs schul-
dig / vnd wir sie zu vberweisen erböttig)
vberfündig machen etc. So darff auch der vnge-
haltene wütende Lestere Irreus / in seiner nechsten
Lesterschrift öffentlich von sich vnd den seinen schrei-
ben / vnd rhümen / das wir / vnd nicht sie / warhafftige
Manicheer sein sollen. Zu solchem Trotz / vnd falschem
Rhum / auch wider vns aus vnchristlichem hasse ertich-
ten Calumnien können wir so gar nicht stillschweigen /
Sondern müssen vmb der einfeltigen Christen / vnd
vnserer vertrateten Zuhörer vnd Pfarfinder willen /
solchem Trotz mit der Warheit begegenen / vnd den be-
weis / den vnser Widersacher von vns haben wollen /
inen vnter augen stellen / vnd hieruon die liebe Kirche /
vnd alle fromme hertzen richten lassen.

Wir müssen aber hier den Christlichen Leser bit-
ten / das er sich erstlich vnserer Vorrede / im Büchlein /
Grund der Vere / von der Erbsünde etc. erinnern wol-

le.

Vorrede.

le. In welcher wir angezeigt haben / worüber / vnd wie
ferne wir anfänglich mit vnsern Widersachern zum
Streit kommen sein. Weils aber in etlichen Wechsel-
schriften / so weit bracht ist / das wir vber Illyrici vnd
iren abschewlichen Paradoxis harte gestritten haben /
Ists entlich drauff bliebē / das wir haben wollen / vnser
Widersacher sollen dieselben ire / vnd Illyrici abschew-
liche reden vnd leren / entweder aus Gottes Wort er-
weisen / oder aber selbs neben vns verwerffen vnd ver-
dammen. Bey diesem Statu können wir sie nu mehr
nicht erhalten / denn an diesen Beweis wollen sie nicht /
Sondern fahren zur seitte aus / vnd ergreifen etwas
anders / damit sie ire ausflucht vnd vnser beschwerun-
ge suchen. Vnd wie wol wir zuuor oft vielgedachte ire /
vnd Illyrici ergerliche falsche reden vnd leren mit iren
verbis formalibus erzelet / vnd bücher vnd bletter wo sie
stehen / gesetzt haben. So müssen wir doch jzt dem
Christlichen Leser zum besten / dieselben kurtz nach ein-
ander widerholen. Vnd seind solche Paradoxa newe
ergerliche Reden vnd Leren diese / Nämlich:

I. Peccatum est Substantia, Die Sünde ist ein Wesen.
Diesem alten Gothurno hat M. Spangenberg einen
Deckmantel funden / das er saget: Es heisse so viel /
als: Corrupta Natura est peccatum originis. Die verderb-
te Natur ist die Erbsünde. Diesen Deckmantel treibet
er mit gantzem ernste / das er obgesetzten Manichei-
schen Gothurnum erhalten vnd fort bringen könne.

Vorrede.

- Denn er saget frey heraus / wenn er erhalten habe /
das Corrupta Natura, Verderbte Natur / die Erbsünde
sey / So werde darnach ein jeder Kind / oder einfeltiger
Leute richten können / das es nicht vnrecht sey / sagen:
Peccatum est Substantia, Die Sünde ist ein Wesen.
Denn Natura est etiam Substantia, Die Natur ist ja
auch ein Wesen. Was wollen aber fromme Christen dar
zu sagen / das man also vnter dem Hütlein spielen solt
2. Der Mensch / wie er von Vater vnd Mutter ge
born wird / was er leibet vnd lebet / mit Leib vnd Seele /
Ist eigentlich die Erbsünde selbst.
 3. Die verderbte / zerstörte / ermordete Menschliche
Natur / Ist eigentlich / eigentlich / eigentlich
ein Werk des Teufels.
 4. Die Erbsünde mus im Namen der heiligen Drey
faltigkeit getaufft werden.
 5. Es sein viel Sünden Ware Creaturen
W I L L E S.
 6. Weil der Sathan die Sünde gezeuget hat / **ES**
ist sie ein Wesen.
 7. Die Sünde vnd des Teufels Bilde / ist nach dem
Fall / Adams Leib vnd Seele / vnd Mensch
liche Natur fur vnd an sich selbst.
 8. Wie Gott / vnd Teufel vernünfftige Wesen / also
sind

Vorrede.

sind auch Ihre Bilde vernünfftige Wesen.

9. Das Gottes / vnd des Teufels Werck / nach dem Falle / nicht könne / noch solle / im Menschen vnterscheiden werden.

10. Das zwischen Menschlicher Natur / vnd ihrer verderbung vnterscheiden / Papistisch / Pelagianisch / vnd der größte Irthumb / vnd gewlichste Kezerey sey.

11. Das die / so zwischen Menschlicher Natur / vnd ihrer grundlosen verderbung vnterscheiden / damit die Natur gut machen / vnd mit den Papisten leren Naturalia Manisse integra, das alle Kresten vnterderbet blieben weren.

12. Das Erbsünde Substantia viua & rationalis, Ein selbstendig lebendigs / vnd vernünfftiges Wesen sey.

13. Was hie Wesentliche vngerechtigkeit / vnd Wesentliche Sünde ist / das wird dort / an jenem tage / Wesentliche Gerechtigkeit sein vnd werden.

14. Das Christus Carnem alterius speciei, Adams Fleisch für dem Fall angenommen habe.

15. Das es erschrecklich zu hören sey / das zwischen Christi vnd vnserm Fleische / So viel das Natürliche Wesen anlanget / kein vnterscheid sey.

16. Das Menschlich Fleisch vnd Blut / nach dem Fall die Sünde selbst sey / darumb müsse man zwischen Christi vnd vnserm Fleische vnd Blute vnterscheiden.

Da sie vns auff diese vnd andere ire wünderliche /
zuuor

Vorrede.

zuuor vnerhörte / ja den mehrern theil von den alten
Manicheern genommene reden antworten / Aus der
heiligen Schrift beweisen / vnd darthun solten / Das sie
recht vnd warhafftig / auch formulæ sanorum verborum,
worte des heiligen Geistes weren / Da wüſchen ſie /
wie geſagt / ſur ober / vnd ſchweigen entweder gar ſtille
darzu / oder ſahen an ſein ſchlecht oberhin zu ſtreichen /
oder vnterſtehen ſich auch wol dieſen Paradoxis mit
gloſſen zu helffen / Vnd ſtellen ſich in Summa als gin-
ge es ſie gantz vnd gar nicht an / Das mit ſolchem ſchene-
lichen Cochurnis / ergerlichen falſchen vnd verdampften
Reden / viel frommer Herzen betrübet / die Kirchen zer-
riſſen / vnd bey vns vnd andern die hochſchedliche Tren-
nung geurſacht vnd angerichtet worden. Denn daher
iſt dieſer vnrathe warhafftig entſtanden / das man die
jenigen / ſo ſolchen Paradoxis vnd falſchen ergerlichen
Leren widerſprochen / hat verdammen / ſich von in ab-
ſondern / vnd Illyricum vnd ſeinen anhang / der ſie ein-
geföhret hat entſchuldigen / loben / vnd als vnſchuldige
Martyrer bis an Himmel erheben ſollen.

Das man nu bey dieſem Statu nicht bleiben dörf-
fe / vnd den Leuten einen blaſſen Dunſt ſur die Augen
mache / verſchweiget man diſ alles / darüber die größte
vneinigkeith iſt / vnd ertichtet nu (wie geſaget) einen an-
dern Statum / Nemlich dieſen / Das es nicht omb Illy-
rici Reden / vnd etliche andere jetzt erzelte Paradoxa /
Sondern omb D. Luthers Lere / vnd meinung zu thun
ſey.

Vorrede.

sey. Denn mit grosser vermessenheit vnd künheit/darff man surgeben / Man habe in dem erhobenen Streitte von der Erbsünde niemals anders denn mit Doct. Luthers Worten geleret/geschrieben vnd geredet. Vnd weil man nu ire Leren vnd Reden verdamme/ so verdamme man Lutherum in inen / falle von seinen Schrifften abe/vnd verlasse vorige richtige vnd rechte Bekenntnis. Wie war aber dieses sey/fan der Christliche vnd Wahrheit liebende Leser / aus jetzt erzelttem Bericht leichtlich verstehen. Denn in vnsern vorigen Schrifften haben wir vns erkleret / auch reichlich vnd vielfaltig dargethan/das wir keines weges Lutheri Worte verwerffen/viel weniger dieselben verdammen / oder andere die sie in reinem auffrichtigen verstande / nach Lutheri selbs eigener erklerung fuhren vnd brauchen/verdampft wissen vnd halten wollen. Vnd ist vnser warer ernst / das wir D. Luthers Schrifften hoch/werd vnd lieb haben auch mit aller ehrerbietung annemen/ furen vnd brauchen/aber nach Göttlichem Worte reguliren/wie er selber zum offtermhal begeret vnd haben wil/ vnd wie gedacht/nach seiner selbs eigenen erklerung verstehen vnd annemen. Das aber haben wir vns nicht gefallen lassen können/das man vnter Lutheri Worten vñ Namen/die oben erzelten gewlichen Paradoxa/ vnd sonderlich den Manicheischen verdampften Cothurnum Peccatum est Substantia, Die Sünde ist ein Wesen/schmücken/ bementeln/erhalten vñ verteidigen wil/wie wir ist trewlich berichtet

B

lich berichtet

Vorrede.

berichtet / das von M. Spangenberg geschehe / Das wir nu das straffen / wird ons kein rechter Christe verdennen. Drumb dörffte es der vielfeltigen anzeigung der Sprüche Lutheri gar nicht damit zu beweisen / das Sünde ein Wesen sey. Denn dahin hat Lutherus niemals gesehen / vnd wir können auch keine Sprüche dahin nicht ziehen / noch misdeuten lassen. Das man aber mit Lutheri Worten beweise / das unsere ganze Natur vnd Wesen zu grunde verderbet / vnd von des wegen für Gott ein Greuel / vnd von seinem gesetze / angeklaget vnd verdammet wird etc. das sind wir in keiner abrede / Denn wir ziehen sie auch dahin / vnd wissen das solches Lutheri rechte vnd einige meinung ist. Was gehet aber das den verfluchten Manichäischen Coturnum an / das man sagen solte *Peccatum esse Substantiam*, oder auch *Corruptam hominis Substantiam*, Denn auch Lutherus der da saget / das Gott den Gottlosen Pharaon geschaffen / hat den vnterscheid zwischen Pharaonis Substantz vnd irer bosshheit gemacht / das er klar spricht / die bosshheit in Pharaone sey nicht von Gott geschaffen / ob er schon an ime das Wesen / Leib vnd Seele / wie nach dem ersten Artickel / an dir vnd mir / vnd an allen Menschen geschaffen hat.

Derwegen / das ons unsere Widersacher schuld geben / vnd zu messen dörfften / als verwerffen wir D. Luthers Worte vnd meinunge / vnd verdammen sie vmb derselben willen / darzu sagen wir noch das es lautere vergessens

Vorrede.

vergessentliche vnwarheit / vnd ein blosser behelff / schein
vnd furwendung sey / vnter welchen zweierley gesucht
wird. Erstlich das sie ire böse sache mit Lutheri herli-
chem Namen schmücken / vnd sich in des ein wenig ver-
bergen / das sie auff oben erzelte vnd angezogene Para-
doxa / vnd fur gegebenes schweres Ergernis nicht ant-
worten dörffen / denn sie fühlen vnd finden seher wol /
das solche wunderliche newe reden / den mehrern theil
also abschewlich / vnd mit iren Worten / der Schrifte
vnd Lutheri Worten stracks zu wider sein / das sie auch
nicht mit dem gerinsten schein dieselben aus der Schrifte
oder Luthero verteidigen können. Denn in welcher
Bibel / vnd in welchem Buche Lutheri stehets. Das
Pecatum substantia, Das viel Sünden ware Creatu-
ren Gottes / das verderbte Menschliche Natur eigent-
lich ein werck des Teuffels / Das Sünde ein vernünfft-
tig Wesen sey / Das man die Erbsünde im Namen der
heiligen Dreyfaltigkeit teuffen soll? Vnd das Christus
Carnem alterius speciei angenommen hat? Ob sie un-
gleich diese vnd andere Paradoxa mit iren verbis for-
malibus aus der Bibel / vnd Luthero nicht deduciren kön-
nen / So vnter stehen sie sich dennoch mit Lutheri Wor-
ten die Leute zu blenden / vnd zu oberreden / das sie vn-
ter denselben nichts vnrechts verteidigen. Aber gleich-
wol diese falsche vnrechte Reden vnuerworffen haben
wollen.

Das andere / so sie mit anziehen der Sprüche Lu-

Vorrede.

theri suchen/ist/das sie vns prægrauiren, verdecktig vnd verhasset machen wollen/ als ob wir nicht leiden köndten/ das man in dem streit von der Erbsünde/ mit Lutheri Worten reden solte. Vnd das wir die ansehenlichsten/ vnd sterckesten Sprüche Lutheri nicht allein nicht achten/ Sondern mit frembden glossen verkeren/ oder Lutherum verleugnen/ vnd genzlich von seinen Worten vnd meinung abfallen solten. Das vns aber daran/ fur Gott / vnd aller Welt gewalt / vnd vnrecht geschehe / vnd das solches eine grewliche Teuflische Calumnia sey/ hat der Christliche Leser allbereit oben verstanden/ Da wir angezeiget/ was wir straffen / Nemlich/ nicht Lutheri wort/ sondern das man mit Lutheri Worten / verdampfte / vnd falsche Leren vnd Reden bemen-teln wil. So haben wir vns in dem Grund der Lere von der Erbsünde / vnd in andern vnsern Schrifften/ hieruon gnugsam erkleret / wie wir Lutheri Worte vnd meinung verstehen/ vnd annemen. Vnd zweiffeln nicht was warheit liebende Christen sein / die one Calumnien vnser Schrifften lesen / werden mit vns wol zu frieden sein / vnd in vnsern Schrifften nichts vnbilliches/ oder das wir mit Lutheri Worten/ vnd Schrifften vntretzlich/ oder verkerlich handlen/ vnd ombgehen solten/ auch nicht im aller geringsten finden.

Ferner fallen vnser Widersacher auch auff diese hebliche vnd Teuflische Calumnia / das sie
vns

Vorrede.

uns beschweren dürfen/ Weil wir zwischen der Natur
vnd irer Verderbung unterscheiden / das wir darmit
zweierley thun solten/ Eins/ das wir surgeben/ als sein
Natur vnd Verderbung zwey sonderliche selbstendige
Wesen. Das ander/ das die Natur gut/ vnd vnuerder-
bet sey. Nu ist aber auff solche lesterliche Landlügen viel
mals geantwortet. Noch hilfft es bey vnsern Widersa-
chern gar nichts. Wir bitten aber den Christlichen Le-
ser ganz freundlich/ er wolle lesen/ was wir hieruon in
vorgenentem Büchlein Grund der Lere/ in vnserer er-
sten Protestation geschrieben haben. E vltim. vnd F 1.
Vnd im Bericht auff Spangenbergss Bekenntnis/ vom
Buchstaben G 3. bis zum Buchstaben N. Item/ In
vnserer nechsten Schrift / Notwendige verantwor-
tung / im Buchstaben H vlt. vnd J 1. vnd G vlt. K 1.
vnd 2. Item vom Buchstaben X. bis auff den Buch-
staben G g. So wird er an jzt angezeigten orten/ bey-
des vnserer erklerung/ vom unterscheiden/ vnd die ableh-
nung / der grewlichen mutwilligen Calumnien reich-
lich finden. Vnd sind wir des erbietens/ das wir vber
solcher vnserer erklerung / vnd daselbs angezogenen
meinung / aller reiner Christlicher / vnd Augspurgis-
cher Confession verwandter Kirchen Erkentnis / Brei-
theil / vnd Ausspruch nur sehr wol dulden vnd leiden
können. Vnd wollen uns / wo wir vnrecht erfunden
werden/ gerne/ willtg/ vnd gehorsamlich / mit Göttli-
chem worte zu rechte weisen lassen / Was solten wir
mehr thun?

Vorrede.

Was aber der vnruige Polkergeist Ireneus in seinen Lesterreimen/darinne er fast nach Lotterbübischer art/sein kurzweil in vnsern Namen treibet/in sonderheit an mich den Superintendenten geschrieben/achte ich der antwort nicht würdig / Weils nichts denn Galumnien sein. So habe ich auch so viel oberiger vnd müßiger zeit nicht/ mich in wechselschriften / wider einen solchen freuentlichen Lesterer einzulassen. Vielleicht wird sich etwa jemand finden / der me nach gebüre antworten wird/vnd der seine grosse kunst/aus seinem langen Lesterraspelment kurz fassen / vnd andern weisen wird/das man sehen vnd verstehen könne/ wie statlich seine Argument schliessen vnd binden. Ich tröste mich wider seine vnd seines gantzen anhanges freuentliche vielfeltige grewliche Galumnien / vnd giftige Lestrunge/das ich Gott lob/meine wolgegründte Christliche meinung/ in dem itzigen vnseligen streitte/ von der Erbsünde/ in vier öffentlich gedruckten Schrifften/neben meinen Herren / vnd lieben Brüdern in Christo/ den Predigern zu Eisleben/dermassen dargehan/das sie Göttlichem worte / vnd der Analogia fidei, der bekandten Lere des Glaubens ehnlich / vnd der Kirchen Christi bekant ist / Vnd das ich nichts neues / nichts vngebreuchliches eingeführet / vnd vertheidiget habe. So weis ich auch/vnd bins gewis/das mir dessen rechte schaffene Lerer / vnd Kirchen warhastiges zeugnis gehen/vnd mit mir gar wol zu frieden sein. Darauff kan
ich

Vorrede.

ich mein Hertz vnd Gewissen/ in aller gedult wider alle
Leſterer frölich zu frieden ſtellen. Der liebe Gott
helffe mir mit gnaden weiter/ vnd ſtercke/ vnd Regiere
vnſere liebe Pfarckinder / das ſie ſich ſolcher Leute ver-
kerliche Calumnien nicht anfechten noch irren laſſen/
Sondern feſt/ vnd beſtendig an dem Furbilde/ der heils-
ſamen wort der heiligen Schrifft/ vnd ires lieben Ca-
techismi halten/ vnd aus demſelben/ vnd nicht aus an-
derer verkerungen / von vnſern Predigten / vnd Leren
richten / vnd vrtheilen / vnd im rechten wege der War-
heit bleiben / vnd beſtehen/ vnd mit vns Gott den Va-
ter vnſers HErrn Iheſu Chriſti preiſen / vnd für alle
Wolthat/ vnd in ſonderheit für dieſe/ das wir in die
Manicheiſche Schwermeren nicht verführet
ſind/ herzlich dancken/ hier zeitlich/
vnd hernach ewiglich/

A M E N/

Amen.



Beweis

Beweis / vnd erzehlung /

In welchen Puncten vnd Stücken sich
die jetzigen Prediger zu Mansfelt mit den
alten Manicheern vergleichen.



Die jetzigen Prediger zu Mansfelt / vnd
die es mit jnen halten / haben nun leider
vber drey jar (one was zuuor heimlich /
vnd vnuermarckt geschehen) mit gros-
sem ergernis vieler frommen Christen /
den alten langst verdamiten Schwarm /
vnd falsche Lere / Das die Sünde ein Wesen sey / (wel-
che Illyricus durch viel Bücher wider auff die bahn
bracht) schriftlich / vnd mündlich entschuldiget / vnd
vertheidiget / Auch beyde fur sich / vnd ire helffers helf-
fer vielfeltig sich bemühet / solchen Schwarm / andern
Leuten / gelert / vnd vngelert / an nahen / vnd weiten or-
ten / beyzubringen / vnd einzubilden. Nun aber / Gott
lob / vnd danck / jnen solch jr furnemen nicht aller dinge
ist angegangen / Sondern fast bey allen ein Feylschuss
gethan haben / Weil viel furtrefflicher woluerdienter
Theologen denselben gründlich widerleget / Vnd der
Irrthumb an jme selbs also grob / vnd abschewlich ist /
das billich alle Christliche Hertzen / im ersten ansehen /
dafur erschrecken / Vnd sie befinden / das sie bey allen
rechten Christen numehr solcher Schwermerey halben
fast verhasset / vnd in verachtung kommen sein / Auch
schier verzaget haben / denselben fortzubringen / so legen
sie sich / nach art aller falscher Lerer / auff diese zwey böse
stücke. Das sie erstlich gantz vnuerschempt leugnen / vnd
nicht mehr wissen wollen / was Sie / vnd ire Anfenger /

C

vnd

Beweis/Das die Prediger zu Mansfeld

vnd Meister Illyricus bisher/schrifflich vnd mündlich
getrieben / vnd verfochten haben. Ja noch darzu trotz
bieten/solchs/ das sie den alten verdampften Ketzer den
Manicheern gleichförmig geredet / vnd geleret haben/
vber sie / vnd die iren / auch im aller geringsten zubeweis
sen. Zum andern/Das sie sich freuentlich vnterstreben/
andern iren gnatz anzureiben / vnd sie für Manicheer
auszuruffen / die doch irem Schwarm mit allem trewen
widerstanden haben. Wie solches aus Johan Wincken
Scarteken / vnd Irenæi gewolichen Lesterschriefften wol
zu sehen ist. Denn es hat Wincke in seinen dreien Bo
gen (derer Tittel / was für ein grosser mercklicher vnter
scheid sey / zwischen den Mansfeldischen vnd Eislebis
schen/etc.) freuentlich one einigen grund vnd beweis/
vnter andern diese vnwarhafftige worte gesetzt / Das
Mencelius / Roth / Pretorius / Porta Stam / Fabricius
etc. Manicheer sein / vnd Manicheischer Lere anhang
gen / ist allzu war / etc. Irenæus aber in seinem Lesters
buch / 3. vlt. b. schreibet: Es ist Mans wie Mutter / Dis
cipel wie der Deceptor / (Preceptor solt ich sagen) ir Herr
Superintendens blaszet mit ewren Accidensbrüdern / Fa
britz / Weintz / Fritz / Stam / Bret. Port. Kraus. Wesch.
Doppen. Schopp. Crug. Dug. Becker / vnd wie sie mehr
heissen / in ein Horn / vnd redet zugleich mit Manichei
scher Zungen/etc. L. iij. a. gibt er für / vnser Superinten
dens rede mit Manicheischer zunge.

Ob wir nun wol vns gar keinen zweiffel machen/
Alle Gottfürchtige / gelehrte / vnd vngelerete Christen / de
nen die Kirchen Historia ein wenig bekant ist / vnd die
vnser / der Eislebischen Prediger ausgegangene Schrieff
ten gesehen / gelesen / bewogen / vnd selbs in öffentlichen
Predigten gehört haben / werden mit vns ein Christli
ches

sich mit den altē Manicheern vergleichen.

ches mitleiden haben / vnd viel anders von vns / vnd vnserer Lere halten / vnd richten / denn diese verwegene trotzige Leute thun / Vnd also irenthalben fast one not / auff solche öffentliche Landlügen zu antworten. So müssen wir es doch vmb derer willen so gar nicht vnterlassen / die sie sich mit irem vielfaltigem geschrey / von der einfeltigen Wahrheit / vnd vnser gewissen richtigen Lere abzuwenden / oder zum wenigsten in zweiffel zu führen / vnterstehen. Weil derhalben ire trotzige anforderunge da fur augen stehet / das sie kurtzümb haben wollen / Wir sollen sie des alten verdampften Manicheismi / auch im aller geringsten vberweisen / So wollen wir / beydes vnser Ampt / vnd guten Namen zu retten / vnd zu söderst der lieben Wahrheit zum besten / vnd vnserer trotzigen Widersacher willen zu erfüllen / diss Stück für vns nemen. Das wir aus der Kirchen Historia / vnd S. Augustino etliche / der alten Manicheer langst für 1200. jaren verdammete Irrthumbe / vnd surgeben kurtzlich erzelen / Vnd der jetzigen Mansfeldischen Prediger / vnd freueler Irrgeister reden / vnd Leren dagegensetzen / Aus welchem alle Welt sehen / vnd ein jeder für sich selbst richten vnd verstehen könne / wie weit oder nahe sie von einander sein. Dierzu gebe der liebe Gott / durch seinen h. Geist gnade / vnd helffe / das es auch bey vnsern Widersachern nicht one frucht vnd nutz abgehe / Amen.

Eusebius / Epiphanius / vnd andere Kirchenhistorien Schreiber melden / das zwey hundert vnd etliche achtzig jar / nach der Geburt vnser Herrn Ihesu Christi / einer sich herfür gethan habe mit Namen Manes / welchen Centuria tertia Magdeburgensium, natura Daemoniacum & insanum, das ist / einen Teufelischen tollen Menschen von natur nennet / Derselbe hat mit seinen

Beweis/das die Prediger zu Mansfelt

Jüngern vnd Anhange / welche von jme Manicheer ge-
heissen werden / vnter andern groben schrecklichen Irr-
thumben geschwermet vnd geleret / Das die Erbsünde/
eine Natur / oder ein Wesen sey. Das solches war / be-
zeuget der D. Augustinus (als der selbs in die neun jar/
in solchem Irrthumb gesteckt) in etlich viel Büchern/
vnd kan von vernünfftigen Menschen nicht verleugnet
werden. Certè omnis inter nos discretio est, quod vos (Ma-
chæi) substantiam quandam malum esse dicitis: nos verò
non substantiam. Das ist furwar aller streit zwischen vns/
das jr (Manicheer) furgebt / Das Vbel / oder die Sün-
de sey ein Wesen. WIR aber sagen / es sey kein Wesen.
Cauenda est hæresis Manichæorum, quæ dicit esse quandam
naturam mali. Das ist / Man sol sich fursehen fur der
Manicheer Ketzerey / die da sagen / Es sey die Sünde eine
Natur. Aduersatur catholicæ fidei Manichæus, qui ipsum
malum dicit esse naturam. Das ist / Der Manichæus streit-
tet wider den Catholischen oder allgemeinen Christlis-
chen Glauben / Als der da furgibet / Das Vbel (oder die
Sünde selbs) sey eine Natur.

Viel mehr beweis aus S. Augustino / Das dieses der
alten Manicheer Lere sey / ist von andern angezogen.
Manes Substantiam malo tribuit. Das ist / Manes hat der
Sünde / oder dem Vbel / ein Wesen zugeeignet. Iohannes
Maxentius in Orthodoxographis: Anathematizamus eos,
qui naturale seu substantiam quandam dicunt esse pecca-
tum. Das ist / Wir verfluchen die jenigen / welche sagen /
Die Sünde sey etwas natürlichs / oder ein Wesen.

Das nun M. Spangenberg / vnd sein Anhang zu
Mansfelt / eben dieses halten vnd leren / beweisen wir
also:

M. Cyriacus Spangenberg schreibet: Wenn man
fraget/

gusti. lib.
contra se-
nd. Ma-
ch. ca. 12.

em tract.
2. in lo-
nnem,

ib. 7. con-
a Iulian.
elag. ca. 3.

plphan. ii.
To. 2. hæ-
si 66.

sich mit den altē Manicheern vergleichen.

fraget / was doch eigentlich die Erbsünde sey / so ist dis In der V
die richtigste antwort: Es sey die gantze Natur / Sub: rede/4.p
stantz vnd Wesen des Menschen / wie derselbe von Vater Cythara
vnd Mutter / mit Leib vnd Seele zur Welt geboren wird / Luth.
was er leibet vnd lebet. Item / bald hernach / Weil das
Peccatum originale, die Erbsünde / also Substantia, das
ist / etwas wesentliches ist / etc. Im kurtzen Bericht / fur
die Einfeltigen schreibet Spangenberg / Der streit ist
vber der frage / Was eigentlich die Erbsünde sey / ob sie
sey substantia, etwas wesentliches / oder accidens, etwas
anhangendes oder zufelliges / etc. Die erste rede billichet
er / vnd entschuldiget sie / Die andere verwirfft er / wie das
selbs zu lesen. Item / er schreibet / Illyricus habe einen Histor. B.
terminum contrarium, Die Erbsünde sey substantia, ein ij. b.
Wesen / dem accidens entgegen gesetzt / vnd heisset sol
ches ferner / mit grober vnwarheit / nach D. Luthers
schlag vnd meinung geredt.

M. Christophorus Irenæus / neben seinen Gesellen /
hat dem Paradoxo (Peccatum est substantia) seine grosse
lange Bekentnis zu gut geschrieben / wie vffm Titel vnd
durchs gantze Buch zusehen / Sonderlich A. iij. b. Die
Erbsünde ist ein Substantz / Essentiale, oder was wesent
liches. B. ij. b. Wir können nicht anders befinden / denn
das derer / so die Proposition / Peccatum est substantia,
vertheidigen / meinung mit Luthero stimme. Besihe auch
D. 4. b.

In seiner Apostasia, K. I. treibet er eben das / vnd ist
alles sein jetziges streiten vnd schreien auff der Cantzel zu
Eisleben (Du bist nicht allein ein Sünder / sondern
Sünde / Sünde / Sünde) dahin gerichtet gewesen / das
er sich freuentlich vnterstehet zubeweisen / Peccatum est
substantia. Item / in seiner langen Lesterschrift / welche er

Beweis / das die Prediger zu Mansfelt

Erinnerung nennet / setzet er durchaus / Die Erbsünde ist ein Wesen. Vnd glosiert darnach also / Das ist des Menschen verderbt Wesen. An etlichen orten sagt er simpliciter, Die Erbsünde ist des Menschen Natur vnd Wesen.

Matthias Schneider in seinen Charten / wider vnser Herrs Superintendenten Vorrede / zu Mansfelt gedruckt / approbiret / vnd corrigirt a. ij. deutet es gar herrlich zum abfall / das der Herr Superintendentens / die reden / Peccatum est substantia, verworffen hat. Item / Er gestehet daselbs / das dieses der Manicheer Lere sey / da er schreibet: Ob wol die Manicheer geleret haben / das die Sünde ein Wesen sey / so haben sie doch solchs nicht vom Menschlichen Wesen verstanden, etc.

N. B.

Cent. D. 3

4. E. 1.

Mercke

preerij

ss / Pec-

um est

substantia,

is ist / ver

rote Na-

o

Wilhelmus Sarcerius saget: Illyricus lere gleichförmig mit Luthero / wenn er saget / peccatum est substantia, Das ist / die verderbte Natur vnd gantzes Wesen.

Paulus Keinecker / hat einen Tractatum geschrieben / welchen er nennet / methodicam probationem propositionis, Quod peccatum originale sit substantia. Das ist / einen richtigen ordentlichen beweis der Proposition vnd rede / Das die Erbsünde eine Substantz oder Wesen sey. Diesen Tractatum hat im Illyricus also gefallen lassen / das er gedruckt ist / an sein Buch / welches er Evidentissimas demonstrationes teuffet / da er sonderlich etliche vielmal / (wie auch in secunda parte Clavis) vnd seinen andern jetzigen Büchern / zuweilen indefinite setzet / peccatum est substantia, zuweilen / peccatū originis est substantia.

Weil nun diese Leute / vnd ire gantze Synagoga / gleichmessige wort / vnd reden / mit den Manicheern / so fur alters als Ketzer verdampt / füren / Denn wie jene gesagt haben / peccatum est substantia, Also reden diese auch / vnd glosieren darnach / den alten verdampten Cothurnum / so wol sie können / vnd thun solches vber alle ver-

sich mit den altē Manicheern vergleichen.

manung / halstarriglich vnd trotziglich. So fragen wir alle Christen / vnd vernünfftige Menschen / Ob wir / oder andere / inen vnrecht thun / wenn wir sie für Manicheer halten / vnd das Kind mit dem rechten Namen nennen?

Die ausflüchte / (das sie sprechen / Ja wir reden von verderbter Substantz / Natur / vnd wesen des Menschen) sein nichtig vnd krafftlos. Denn verderbte Substantz / ist auch ein Substantz / Verderbte Natur / ist auch Natur. Sein derwegen alter vnd newer Manicheer reden zuo hosen eines tuchs. Vnd hat vnser Herr Superintendens nicht vnbillich solche Lere / als einen Manicheischen Costhurnum / vnd zweyzüngige rede verworffen. Denn es bekennet auch Illyricus selber in seinem Büchlein / des Tittel: De Augustini & Manichæorum sententia, in controuersia de peccato, A. 3. Das die Väter des Menschen Natur nicht haben die Sünde selbst nennen wollen / das man nicht auch den aller geringsten schein wider sie hette / als hielten sie es auch nur in den worten / mit den Manicheern / welche zu der zeit die Kirche zerstöreten. Seine worte sein diese: Augustinus, alijq; patres non expresse ipsam hominis naturam nominant peccatum, ne vllam speciem consensus cum Manichæis, tunc grassantibus, vel solis Verbis præbeant. Warumb folget man nu dieser fürsichtigkeit / vnd Gottseligkeit der lieben Väter nicht auch nach? Stehet es denn in Illyrici / vnd vnser Mansfeldischen Prediger gewalt vnd wolgefallen / das sie die liebe Kirche ires gefallens betrüben / vnd verergern? Was wollen sie aber dem h. Geiste antworten / der durch S. Paulum 1. Thes. 5. spricht: Meidet allē bösen schein? Item an Timoth: Halt an dem fürbilde der heilsamen worte. Item: Wehe denen die böses gut 2c. Esa 5. Darnach ist allē denen so August: gelesen haben / bewusst / das er simpliciter, vnd in gemein /

N.B. W.
Illyricus
hie bekenn-
en muß

der

Beweis/das die Prediger zu Mansfelt

der Manicheer prædicationem substantiæ, de malo, seu peccato. Das ist / das furgeben vom wesen des Vbels / vnd der Sünde / durchaus habe verworffen / damit alle species ausgeschlossen werden. Ja das noch mehr ist / Epiphanius schreibt / Manes malitiam, substantiam primum vocauit. Iuxta eandem autem sententiam existimat hanc esse corruptionem. So wollen diese auch haben / Verderbung / oder verderbte Natur bedeuten einerley / vnd haben ein wesen / Wie Spangenberg dis in seiner Distorien / sonderlich im andern Theil für vnd für treibet. Da doch Augustinus schreibt / Substantia non est ipsa corruptio. Ea igitur res, quam corrumpit corruptio, non est malum. Das ist / Die Substantz ist nicht die Verderbung selbst / Derhalben das / was die Verderbung verderbet / nicht die Sünde / oder das Böse ist. Selten derwegen / wie gesagt / die Ausflüchten / von verderbter Natur / gar nichts.

Auff den Mann Gottes D. Lutherum beruffen sie sich auch felschlich / zwacken aus seinen Schrifften / was inen gefelt / vnd lassen seine eigene erklerung aussen / wie von vielen reichlich erwiesen ist / vnd noch alle tage kan dargethan werden. Ja D. Luther hat bald im anfang auch diese grillen / das man mit dem wort (Verderbt) den Manicheisimum entschuldigen wil / verworffen / Denn da er vom verderbten Menschen disputirt / vnd sagt / Der Mensch sey ein böser Baum worden / etc. setzet er bald darauff; Nec ideo sequitur, quod (scilicet voluntas) sit naturaliter mala, id est, natura mali, secundum Manichæos. Das ist / Es folget derhalben nicht / das der wille des Menschen / die Natur des bösen / oder das böse selbst sey / nach der Manicheer Lere. Doch ist die Natur / natürlich vnd vnuermeidlich böse vnd geschwecht / oder

b. 2. To.
hæref. 56.

ib. 2. ca. 5.
moribus
Manichæo-
um.

om 1. lat.
l. 9. b.
ropof. 4.
ropof. 8.

sich mit den altē Manicheern vergleichen.

oder verderbet. Was kōndte Lutherus Klerer wider diese neue griffe vnd fündlein schreiben oder reden? Noch wil man jm bösslich diesen Schwarm auffdichten.

Fur eins.

Zum andern. Die alten Manicheer haben nicht wol-
len zugeben / das die Erbsünde sey *Accidens vitium*, ein
zufelliger schade / Wie abermal S. Augustinus bezeug-
get: *Manichæi carnis concupiscentiam non tanq̃ accidens*
vitium, sed tanq̃ naturam ab æternitate malam vituperant.
Das ist / Die Manicheer schelten die lust des fleisches /
(welche man sonst die Erbsünde nennet) nicht als einen
zufelligen schaden / sondern als eine Natur von ewigkeit
böse.

2.

Lib 2. ca
contra de
Epistola
Pelag. ad
Bonifac.

Eben dieses leugnen vnd streiten auch vnser Wider-
sacher mit grossen vngestüm schriftlich vnd mündlich /
schreien vnd schreiben schlecht one einigen beweis / Ans-
tichristisch / Sorbonistisch / vnd Synergistisch *Acci-*
dens / vnd damit solt denn alles ausgerichtet sein / wie
Landkündig / ja Weltkündig ist / vnd derwegen auch kei-
ner weitem vnd sonderlichen beweisung bedarff.

Das sie aber das jetzt angezogene zeugnis Augus-
tini also eludirn wollen / es rede von wirklichen Sün-
den / ist eine öffentliche vnwarheit / vnd jnen von andern
albereit darauff geantwortet / auch dermassen genommen /
vnd widerleget / das sie sich schemen müssen / vnd nichts
zu antworten wissen. Das sie ferner sprechen: Ja wir
sagen nicht ab æternitate malam, von ewigkeit böse / Son-
dern transformatione, transubstantiatione, transfiguratione,
malam, böse / durch die verwandlung / umbbildung / vnd
dergleichen. Darauff antworten wir / Es ist eines so
wenig in Gottes Wort gegründet / als das andere. Zu
dem / stehet der beweis nicht im worte / (ab æternitate)

D

von



Beweis/ Das die Prediger zu Mansfeld

von ewigkeit/ Sondern auff dem wort (Natur) wie folgends zusehen in Augustino/ der als bald antwortet: Catholica utroque redarguit, Manichæis dicens, non natura, sed vitium est. Das ist/ Die rechte Kirche verwirfft aller beyder meinung/ (nemlich der Pelagianer/ vnd Manicheer) vnd sagt/ den Manicheern/ Es sey keine Natur/ sondern ein schade. Darnach/ ob wol alte vnd newe Schwärmer/ nicht allzeit durchaus gleiche wort gebrauchen/ so stimmen sie doch in den Hauptpuncten vberlein/ vnd kommen letztlich in der Werberge zusammen.

Das wir aber diese andere vrsache anziehen/ thun wir nicht der meinunge/ das wir vnserer Widersacher zettergeschrey/ das sie des Accidentis halben vber vns führen wollen/ stercken vnd bestetigen wolten/ Sondern/ das wir solch zeichen in Augustino funden haben. Wolten sie nun darumb zörnen vnd poltern/ so mögen sie es mit Augustino ausführen/ vnd mit demselben zörnen/ bis sie es satt haben.

3.

Zum dritten/ Die alten Manicheer haben geschwermet/ die Natur/ oder das Menschliche fleisch vnd blut/ sein für vnd an sich selbs das böse/ oder die Sünde. Solches bezeugt nicht alleine Augustinus in etlichen schrifften/ sondern W. Spangenberg selbs/ vber die Epistel an die Römer/ da er vber das 7. Capit. fol. 276. b. also schreibt: Fleisch vnd Blut verdammnen vnd verwerffen wir an jm selbs nicht als böse/ wie die Manicheer gethan haben/ (merck dis wol) Centuria 3. Historiæ Eccles. Magdeburg. fac. 113. Hinc & illud Manichæis tribuit Hieronymus, quod Naturam hominum damnarint. Das ist/ Daher eignet auch Hieronymus den Manicheern zu/ das sie des Menschen Natur verdampt haben.

Ob nun wol (wie jtz gehöret) W. Spangenberg dieses/

ses/

sich mit den altē Manicheern vergleichen.

ses / ehe er Illyrici Patron worden / selbs an den Manicheern gestrafft / so leret / vnd helt ers doch jetzund selbs für recht / in dem er feindlich streitet / Alter Adam / fleisch vnd blut / Erbsünde / bedeuten schlecht ein ding / vnd können nicht vnterschieden werden / wie durch seine gantze Apologia / vnd in andern Schrifftten zubefinden / Das Gesetze Gottes beschuldiget vnd verdampt den gantzen natürlichen Menschen / nicht von wegen eines andern dinges / In oder an Ihm / sondern seiner selbs eigenen Natur vnd Wesens halben. Weisset das nicht die Natur an jme selbs verdammen? Item / Die Seele ist (ausser der gnade) die Sünde.

Histor.

2. b.

N. E

X. vlt.

Irenæus wirfft D. Wigando / als eine Corruptel für / das er leret / Unser Leib vnd Seel sey für Gott nicht Sünde / eigentlich zu reden.

Bekent.

vlt.

Wilhelmus Sarcerius treibet eben dis in seiner andern / dritten / sechsten / vnd eilfften vrsachen / So er wider den vnterscheid / zwischen Menschlicher Natur / vnd der Erbsünde / zusammen gerauspelt hat / nach dem er sich (wie viel Leute achten / vnd vermutlich ist) befahret / Irenæus möchte in wider aus seiner Pfarr heben / als er sich öffentlich hören lies / er hette noch interesse an derselben. Denn zuvor hat Sarcerius diesen vnterscheid neben den Presbyterischen Predigern / in ein schreiben an M. Spang: (wie auch zuvor in des von Meiendorffs bekētnis) als Christlich vñ recht approbirt. Ja der gantze hauffe vnser itzigen widersacher haben keinen andern grund / den vnterscheid zwischen menschlicher Natur vnd irer verderbung / zuwerffen / vnd ein ertreumeten / erdichten / falschen / vnseeligem / vnd Gotteslesterlichen vnterscheid zu nennen / wie Spang: in seiner Historia thut / denn das sie diesen Manicheischen schwarm ergriffen haben / vñ fleisch vnd blut

Beweis/ das die Prediger zu Mansfeld

oder Menschliche Natur / vnd Wesen / für vnd an sich
selbs verdammen / vnd derhalben auch billich / so lange
sie auff diesem sinne bleiben / jenen gleich genennet / vnd
gehalten werden.

4.

b. 4 cap.
Contra
as Epi
las Pela
anorum.
in der Er
rüg / vom
terscheid /
3. b.
eweis C. 1.

Zum vierden / Haben die alten Manicheer geschweret
met / das die Menschen Kinder / des Teufels Werck sein
soltten / Wie Augustinus zeuget / da er von jnen also schrei
bet: Manichæi dicunt filios hominum esse opus principis tes
nebrarum. Das ist / Die Manicheer sagen / die Menschen
Kinder / sein ein Werck des Fürsten der Finsternis / das
ist / des Teufels. Nun schreibet ja Irenæus öffentlich /
(welches jnen die andern als recht vnd gut / ja als eitel
heiligthumb gefallen lassen) Die verderbte / zerstörte /
sündige / vngerechte / dem Gesetze vngleichförmige / er
mordete / Menschliche Natur / ist vnd heisset Eigentlich
(auff das wort Eigentlich mercke hie) des Teufels
Werck. In seiner lesterlichen Erinnerung / Ji. 3. b. ent
schuldiget ers noch trotzig / vnd heisset Vns Sophisten /
vnd Sycophanten / da wir doch seine eigene klare wort
setzen / welche keinen andern verstand haben / noch mit
sich bringen.

Halte dieses fein einfeltig gegen einander / Die Ma
nicheer / spricht Augustinus / sagen / das die Menschen
Kinder ein Werck des Teufels sind / So saget Irenæus /
es sey Eigentlich vnd wol geredet / vnd gewis war / das
der Menschen Natur / die verderbet ꝛc. ist / ein Werck des
Teufels sey. Ist hie nicht einerley mund vnd zunge? Das
hertze mag Gott richten. Wir müssen mit Christo sagen:
Ex verbis tuis iudico te serue nequam.

Vnd damit niemand dencken sol / Irenæo weren sol
che worte vnuersehens entfallen / So widerholet er sie
an gedachtem orte zweymal auff einander. Vnd schreibet

bet

sich mit den altē Manicheern vergleichen.

bet doch im selben Beweis C. ij. a. auch also / Es werde zuweilen von etlichen / (verstehe / von seinen Kottgesellen) einfeltiger meinung gesaget / Die verderbte Natur kömpt vom Teufel her. Mercke aber hie / wie wunderlich sich der arme Mensch verdrehe / vnd selbs in die Bassen hawe. Zuor hat er gesaget / Es sey Eigentlich also vnd recht geredet / Das die verderbte Natur sey vnd heisse ein Werck des Teufels. Jetzt wolt er gern sagen / Es sey nicht Eigentlich also / Sondern einfeltiger meinunge also geredet. Solchs aber wil er mit einer Glossa vnd gleichnis erkleren / welchs ja so gut ist / vnd so wol klappet / als der Text selbs / Denn also (spricht er) ist vnd kömpt verderbte Natur vom Teufel her / wie Luc. 10. der halb todte Mensch von den Mördern herkömpt. Ist das nicht fein erkleret? Können diese Leute nicht fein einander vberhelffen? Denn sage du nun selbs / was kömpt von den Mördern her / die Natur / oder der Schade? Mustu nicht bekennen / das die Natur von Gott ist / vnd allein der Schade von den Mördern? Warumb mensgestu es denn auff gut Manicheisch in einander / vnd schreibest die Natur / vnd jren Schaden / beydes dem Teufel zu?

Paul Keinecker / schwermet auch fein grob vnd deutlich heraus: Torus hic perditissimus Adamus est opus Diaboli. Das ist / Dieser gantzer / zu grunde verderbter Adam ist ein Werck des Teufels. Die heisst ja Adam der Mensch selbs. Der ist (saget Keinecker) ein Werck des Teufels. Istis nicht bekennet genugsam / das alle Menschen nach dem fall (weil sie gar verderbet sein) auch allein vom Teufel sein? Was hat Gott nach dieser Leute erschrecklichen Theologia / mehr mit vns armen verderbten Menschen zu schaffen? weil wir des Teufels Werck

In Deme
stra: 111y
fol. 365.

Beweis/das die Prediger zu Mansfeld

107. 2. 1. sein? Es vnterstehet sich auch M. Spangenberg / aus vnserem Grunde der Lere von der Erbsünde &c. znerzwingen / die verderbte Natur müsse aus des Teufels werck herkommen / vnd könne gar nicht Gottes Creatur sein / Man distinguire denn auch so subtiel als man immer mag. Er aber folgert / vnd grillisiret dieses aus seinem eigenen Kopffe / damit er ja zuuerstehen gebe / das er seinen Kottgesellen gleichförmig gesinnet sey / vnd einerley mit jnen lere / Das nemlich / der Mensch ein werck des Teufels sey. Aus vnserer Lere aber / folget solche Gotteslesterung keins weges nicht / Denn wir verwerffen vnd straffen sie deutlich / vnd erhalten den vnterscheid zwischen der Natur / als Gottes geschöpffe / vnd ihrer verderbung / als des Teufels werck / Eben darumb / das wir in solchen Manicheischen Schwarm nicht kommen / vnd gerathen dürffen.

5. Zum fünfften / Die Manicheer (wie S. Augustinus lib. 2. ca. 2. contra duas Epistolas Pelagianorum zeuget) haben fur altersgeleret: Deum bonum non omnium naturarum esse Creatorem, Der gute Gott habe nicht alle Creatur vñ Natur geschaffen. Diesen schwarm hat Illyricus vernemet / im Gnothi seauton, vnd auch in orthodoxa confessione fol. 178. wie anderswo bewiesen ist. Solches (wie auch alle andere vngewore newe ergerliche reden Illyrici) entschuldiget M. Spangenberg / in seiner langen Historien / an etlichen örtern.

Aus welchem man abermal die gleichheit dieser Leute mit den Manicheern erkennen vnd nemen mus / Denn warumb solten sie sonst nach irem schlag reden / vnd irer worte gebrauchen / wenn sie nicht irer meinung sein wolten? Sie haben aber diesen ausflucht / das sie sprechen / Ir Illyricus habe das wörtlein initio, im anfang / dazü gesetzt /

sich mit den altē Manicheern vergleichen.

gesetzt / Nemlich / das Gott nicht alles im anfangē ges-
chaffen habe. Dieser glossa braucht Spangenberg auch
in seinen Landlügen / vñ sonst hin vnd wider / vnd spricht:
Der Menschē sey zwar anfenglich von Gott geschaffen /
Aber itzo nach dem fall / könne er auch vom Teufel sein.
Ist nun das nicht gewlich / schrecklich / vnd wider die
Schrift / Catechismum / vnd Artickel vnser Christli-
chen Glaubens geredet? Wo stehets das die Schrift als
so vom Menschen nach dem fall redet? Saget nicht vn-
ser Glaube / von allen Menschen / wie sie nach dem fall
auff's jemerlichste verderbet sein: Ich glaube / das mich /
mich ꝛc. Gott geschaffen hat. Bin ich von Gott geschaf-
fen / wie bin ich denn auch vom Teufel?

Aber höre / lieber Christe / wie Spangenberg solche
seine ergerliche rede verdrehen / vnd glosiren kan / In der
langen Historia / T. 1. b. schreibet er / Das der Menschē
vom Teufel sey / müsse man also verstehen / Was seine ver-
derbung / widerspenstigkeit gegen Gott / vnd vngheorsant
betrifft. Mit dieser glossa sols wider gedeckt / vnd gut ge-
macht sein / was man zuvor mit gewlichen / abschewli-
chen / Manicheischen Worten gesagt hat. Ist's aber nicht
eine schöne Theologia / da man die Leute also essen vnd
narren kan / das man dieses was man erstlich in gemein /
von der Substantz / von dem Wesen / vnd dem vitio, dem
Schaden des subiecti zugleich redet / vnd schreibet / eins
so wol als das andere / dem Teufel zu / vnd verkerets dar-
nach alleine auff das vitium, auff den gewlichen schas-
den des Wesens / in dem subiecto. Vnd wil doch gleich-
wol den vnterscheid zwischen dem Wesen vnd seinem
vitio nicht zulassen. Aber also muß es den Leuten gehen /
die mutwillig blind sein / vnd der bekanten richtigen war-
heit nicht weichen wollen.

Das

Beweis/das die Prediger zu Mansfeld

Das aber auch die furgewendte ausflucht / vnd der elende Hilpersgriff / mit dem wörtlein (initio) im Anfang / als sey nicht alles im anfang geschaffen / Sondern das hernach vnd jetzt etwas vom Teufel oder Menschen gemacht werde / falsch vnd nichtig sey / Ist aus der heiligen Schrift klerer / denn das es verneinet werden kan. Johan. am 1. stehen diese wort: Alle ding seind durch das Wort gemacht / Vnd one dasselbe ist nichts gemacht/was gemacht ist. Item/ Coloss. 1. Durch in ist alles geschaffen / das im Himmel vnd auff Erden ist/ das sichtbare vnd vn-sichtbare. Da stehet ja erstlich/ particula vniuersalis, alles/ vnd nichts ausgenommen/ was ein Wesen ist / vnd hat. Das / saget der heilige Geist durch S. Johannem vnd Paulum / ist alles von Gott. Warumb wil man diese vniuersalem mit dem elenden Narrenwerck/ vom Kesemachen/ Bierbrennen/ vnd anderem restringiren? Wird doch hievon in dieser Disputation nichts geredet. Denn hie ist allein der Streit von der Erbsünde / Ob dieselbe ein Wesen / oder des Menschen verderbtes Wesen sey. Vnd daraus entstehet die frage / Ob die Erbsünde / vom Teufel oder von GOTT sey? Vnd weil man aus der Schrift schliessen muss/ Die Erbsünde sey warhafftig vom Teufel vnd Menschen / vnd nicht von GOTT / So kan sie keins wegs die Natur selbs/ Sondern ire grundlose verderbung/zerstörung/ vnd vnreinigkeit sein. Denn das kan / vnd sol kein Mensch leugnen / das Menschliche Natur / auch nach dem fall / wie hoch sie auch verderbet ist / dennoch nicht des leidigen Teufels/ Sondern allein GOTTES geschöpffe vnd Werck ist. So müssen vns auch diese Leute wider iren danck vnd willen zugeben / das David vnd Job / ob sie schon in Sünden entpfangen vnd geboren/

sich mit den altē Manicheern vergleichen.

boren werden / vnd die Erbsünde mit sich auff Erden bringen / von jnen selbs vnd jrer Menschlichen Natur / Leib vnd Seele also sagen können / Psalm. 139. Du warrest vber mir / da ich noch in Mutterleibe war / Vnd Job am 10. Deine hende haben mich gearbeitet / vnd gemacht / Alles / was ich vmb vnd vmb bin. Lieber wo von reden hie David vnd Job? Reden sie nicht / wie jetzt gesagt / von Menschlichem Wesen vnd Natur / von jrem Leib vnd Seele / vnd nicht von dem Erbschaden oder Erbsünde? Denn dieselben schaffet oder machet Gott in keinem Menschen / wie er auch an demselben in keinem Menschen gefallen hat / Nein / das ist die meinung nicht / Hæc sunt quæ odi dicit Dominus, & perditio tua Israël ex te est. Warumb dichtet man denn diesen des heiligen Geistes klaren Worten / die da zeugen / das vnser Wesen von Gott / die Sünde aber von dem Sathan / vnd Menschen sey / einen andern widerwertigen verstand an / vnd saget / Das der Mensch auch vom Teufel sein könne / Item / Das Gott nicht alles im anfang geschaffen habe. Auff das man nur den verdammten Manicheischen Cothurnum / das peccatum substantia, Sünde ein Wesen / das vom Teufel gezeuget vnd gemacht ist / erhalte? Weil aber dieses nach art der alten Manicheer geredet vnd geleret wird / die auch streiten / das nicht alle Naturen von Gott sein / Warumb wil man denn gar aus der haut faren / wenn man vmb vertheidigung solches Manicheischen Schwarms willen / auch Manicheisch genennet wird? Solte man nicht billicher / wenn man hie von durch trewe Lerer berichtet / vnd gewarnet wird / solchs mit danck annemen / vnd abstehen vnd sich bessern?

Es ist auch furwar schrecklich zu hören / das sich diese
L ser Leute

Beweis / Das die Prediger zu Mansfeld

ser Leute anhang öffentlich verlauten leffet / Unser Herr
Gott schaffe jetzund nicht mehr / Sondern erhalte nur
die im anfang erschaffenen Creaturen. Da doch Johan-
nis am 5. Capitel der Son Gottes spricht: Mein Vater
wircket bisher / vnd Ich wircke auch. Vnd wenn man
inen gleich nachgeben wolte / das wir in Adam alle ge-
schaffen weren / So ist hiemit ire newe Lere noch nicht
bewiesen / sondern ist stracks wider sie. Denn ir furnemp-
ste ausflucht / wenn man iren Schwarm / aus dem Ar-
ticul von der Schöpffung widerleget / ist dieser: Der
Mensch nach dem fall sey die Sünde selbs. Wenn wir
nun in Adam nicht nach / sondern fur dem falle geschaf-
fen sein / So wird abermal folgen / das wir Menschen
nicht die Sünde selbs / Sondern Gottes geschöpff sein /
Das hernach durch die Sünde (vom Teufel eingefüret)
verderbet / vnd geschendet sey. Solten derwegen diese Leu-
te billich / wenn sie Christliche Leute sein wolten / sich sol-
cher Manicheischen reden schemen.

6. *raiß* Zum sechsten / Die alten Manicheer haben geschwerz-
met / Ihesus Christus vnser liebster Herr vnd Weiland /
Habe nicht vnser Menschlich fleisch vnd blut an sich ge-
nomen / im leibe der Jungfrauen Maria / Solches
schreibet inen nach / der Mann Gottes D. Lutherus / Co.
6. Jen. fol. 318. a. Item / Co. 8. fol. 132. a.

Der Teufel fing schon an / durch seinen Manichæ-
um einen andern Christum zu machen / der Mariæ nicht
natürlicher Son / sondern ein Gespenst von ir kommen
were. Dergleichen klagt er auch in seiner Kirchenpostila
la / vber den Text / Das Wort ward fleisch. Sonders-
lich aber ist zu mercken / das Lutherus Tom. 3. fol. 399.
erstes Drucks / vnd fol. 359. a. b. anders Drucks schreibet:

Die

sich mit den altē Manicheern vergleichen.

Die Manicheer haben geschwermet / Christus habe nicht natürlich fleisch vnd blut gehabt / Sey auch nicht recht Mensch gewesen / weil sie sahen / das vom fleisch so viel böses in der Schrift gesaget wird.

In diesem Punct folgen vnser Mansfeldischen nun auch den alten Manicheern / vnd irem newen Preceptor vnd Widerauffwecker dieses Irrthumbs *Iyrlico* / da er redet / *de carne alterius speciei in Christo in Theologia.* Denn *Trenens* schewet sich nicht zu schreiben / *D. ij.* in seinem Bekenntnis: Schrecklicher ist's noch zu hören / das zwischen der Menschlichen Natur / des Herrn Christi vnd Unser / kein vnterscheid an jm selbs sey / so viel vnser natürlich Wesen anlanget. Item *D. iij.* Es ist nicht allein in dem ein vnterscheid / zwischen Ihme vnd Uns / was sein heiligs empfangnis / geburt / vnd Natur / Sondern auch was das natürliche Wesen anlanget. Vnd in seiner nechst ausgegangenen lesterlichen Erinnerung vnd vermeinten Straffschriff / *D. h. 3. vnd 4. J. i. a.* vertheidigt er noch solchen Tand auff's hefftigste / vnd weis nicht / wie arg er vns vnd andere wil ausmachen / die in deshalben haben warnen müssen.

M. Spangenberg / der doch sonst anderen irrthumb auffzudichten sehr kostfrey ist / kan solchen schedlichen schwarm nicht sehen / Sondern schmückt in in seinem kurtzen Bekenntnis auff's aller herrlichste.

In den newen Mansfeldischen Fragstücken / die Wincken zugeschrieben werden / nennen sie das eine schreckliche grewliche Gotteslesterung / wenn wir sagen: Dat Christus des heiligen vnschuldigen Adams fleisch vnd blut an sich / was gehet er vns an? Sonderlich setzen sie *f. iij.* eben die vrsachen / welche die Manicheer haben irre gemacht / wie aus *Luthero* / *Tom. 3.* jetzt angezogen /

Beweis / das die Prediger zu Mansfeld

Da sie sagen / Christus sey ein gebenedeierter Same / der schönste / vnter den Menschen Kindern / etc. Von vnser Natur / fleisch vnd blut aber / rede die Schrift gantz vnd gar das widerspiel / da sey anfang / mittel / vnd ende / Natur vnd Wesen / eitel Sünde / Todt vnd grewel / etc. Eben dis wenden sie auch für / G. iij. a.

Dagegen aber singet vnd saget die ware rechtglaubige Christliche Kirche: In Vnser / Vnser / Vnser armes fleisch vnd blut / verkleidet sich das ewige Gut. Vnd im Symbolo Athanasij, stehet von vnserem Herrn Jesu Christo / Gott ist er / aus des Vaters Natur / vor der Welt geboren / Mensch ist er / aus der Mutter Natur / in der Welt geboren. Lutherus / Tom. 6. vber den andern Articul des Glaubens schreibet: **W** Jesus ist aller dinge vns gleich worden / das er eben daselbs angefangen / den wegß gangen / vnd dasselbe fleisch vnd blut worden ist / das wir sind. Aber hie scheidet sichs / das wir nicht kommen durch den heiligen Geist / Sondern aus sündlichem fleisch vnd blut. Item / an ein andern orte schreibet Lutherus / mit klaren deutlichen Worten / Das zwischen Christi / vnd vnserem fleisch vnd blut / gar kein vnterscheid / one die Sünde. Keime du es zusammen / Lutherus saget es sey kein vnterscheid / Diese aber sagen es sey ein vnterscheid. Weme ist hie am billichsten zu glauben? Entyches der Ketzer / wie Tomo 1. Conciliorum pag. 728. zubefinden / hat zwar zugeben / Corpus Christi esse humanum, non tamen nobis consubstantiale, neq; generici eius secundum carnem. Des Herrn Christi leib sey ein menschlicher leib / aber nicht vnseres wesens / auch nicht von seiner Mutter wesen / nach dem fleisch. Diesen nennet Leo Papa in seinem Brieffe ad Clerum Constantinopolitanum auch einen Manicheer.

Die



sich mit den altē Manicheern vergleichen.

Die sollen nun aber Gott vnd warheit liebende Christen bedenccken / wie weit diese jetzigen von den alten Manicheern sein. Denn ob sie es wol ein wenig verschlagener vnd subtiler machen / auch Sathan sich in einen Engel des Liechtes verstellen kan / vnd dafur offft angesehen sein wil / (wie zwar auch die Fragstücke furgeben) als verdamme er mit der rechten Kirchen alte Ketzereien / so ist es doch vnd bleibt war / was D. Lutherus schreibet / Tom. 6. Jhen. fol. 539. Wenn mans beym liecht / vnd recht ansihet / so fechten alle Ketzereien / wider den lieben Articul von Christo / wie Simeon saget. Vnd klagen billich wir vnd alle fromme Christen / wenn wir keine andere vrsache hetten / bey diesem stück auch derhalben vber vnser Widersacher / das sie zu erhaltung des heubt Manicheischen Paradoxi / das die Erbsünde ein Wesen sey / auch in diesem aller tröstlichsten Articul / von dem fur-bilde der heilsamen worte / der heiligen Schrift / vnser Christlichen Kirchen vnd Weynachten Gesengen / von der tröstlichen auslegung Lutheri / vber das 38. Cap. Genesis / vnd anderer reiner Lerer alter vnd newer Lere abweichen / Wie in vnserm Bericht auff Spangenbergss Bekenntnis ausführlicher von vns dargethan vnd bewiesen.

Zum siebenden / Von Manete oder Manichæo, dem tollen vnfinnigen Menschen / stehet Centuria 3. Historiæ Ecclesiast. Magdeburg. fol. 110. also: Acceptos libros sacros perscrutatus malitiosè peruertit, mendacio suo ad veritatem adiuncto, vbi cunq; depræhendisset aut verbum aut sententiam similitudine aliqua fanaticæ suæ opinioni alludentem. Das ist vngesehrlich: Als Manes die Bücher der heiligen Schrift bekommen / vnd durchlesen / hat er dieselben bößlich verkeret vnd verfelschet / seine lügen mit vn-

Beweis/das die Prediger zu Mansfeld

ter bey die warheit gesetzt / wo er nur ein wort oder Sen-
tentz gefunden / der etwan durch ein gleichnis / oder nur
von ferne / seinem gefasten wahn etwas ehnlich gewes-
sen. Ob aber auch in diesem stück vnserer Widersacher
iren Vorfahren folgen / sollen alle Christen / so Gottes
Wort vnd Lutheri Schrifften / neben dieser Leut Bü-
cher lesen / oder gelesen haben / aussagen. Wir müssen
als die geringsten bey vnserm Gewissen bekennen / das
wir gewaltsamer / vnd vngereimpter allegirn der heiligi-
gen Schrifft / die zeit vnser Lebens nicht erfahren haben /
da man also toll vnd thumkün / wider den bekanten ver-
stand / vnd meinung aller rechtschaffenen trewen Lerer /
nur alles auff seinen gefasten wahn / vnd meinung zie-
het / vnd die wort des heiligen Geistes also lesterlich not-
zwenget / wie von diesen Leuten geschiehet. Denn was
ists doch immermehr fur eine folge / Genes. 6. vnd 8. ste-
het: Das dichten vnd trachten des Menschlichen hert-
zens war nur böse immerdar / oder von jugend auff,
Ergo ist die Erbsünde ein Wesen / oder das Menschli-
che hertze selbs / vnd ist kein vnterscheid zwischen Natur
vnd Sünde / hertze vnd dichten des hertzens? D. Lu-
therus legts also aus in Genesi: Hæc sententia pronunciat
omnem fictionem, studium omne, tantum esse malum, h. e.
Dieser Spruch saget deutlich / Das alles dichten / aller
vleis nur böse sey. Item / Vocat mala non tyrannidem, non
libidinem, non alia peccata, sed figmentum cordis humani,
h. e. industriam, sapientiam, rationem humanam, cum omni-
bus viribus, quibus etiam in optimis actionibus ratio vtitur.
Das ist / Er nennet böse / nicht Tyranny / nicht Un-
zucht / oder andere Sünde / Sondern das dichten des
Menschlichen hertzens / das ist / Menschlichen vleis /
weisheit / vnd vernunft mit allen krefft / welche die ver-
nunft

sich mit den altē Manicheern vergleichen.

nunfft auch in irem besten thun brauchet. Weist dieses nun / Die Sünde ist das hertze oder auch / Das verderbte hertze / ist die Sünde / also / das kein vnterscheid zuhalten / mögen Christen bedencken? Johan. 3. saget vnser Herr Christus: Was aus fleisch geborn wird / das ist fleisch. Item . Cor. 15. Dieraus schleust Spangenberg / vnd die anderen / Der Mensch sey die Erbsünde selbs / also das kein vnterscheid sein könne / zwischen dem Menschen vnd Sünde. Dagegen saget D. Luth. Co. 3. fol. 465. Weil fleisch vnd blut Johan. 3. verdampft wird / als das nicht kan das Reich Gottes ererben / So muss furwar (Nota) nicht die Creatur Gottes heissen / als da ist / fleisch / bein / haut vnd haar / Denn solches ist alles Gottes gute Creatur / Darumb mus ja fleisch hie heissen / nicht allein blut / bein vñ marck / wie es Gottes Creatur ist / Sondern wie es one Geist / vnd in eigener Krafft / werck / brauch / witz / willen vnd vermögen ist. Keime dieses nu zusammen / mit dieser Leute auslegung / Noch dürffen sie viel von rechtem reinen Lutherischen verstande rhümen.

Eben also gehet man auch vmb / mit den andern Sprüchen / Psalin. 14. 51. Matth. 12. 15. Rom. 5. 8. Ephes. 2. vnd anderen / Wie zum theil in vnserem Bericht auff Spangenbergis Bekenntnis / vnd in der Antwort auff der Graffen Ausschreiben ausführlich bewiesen / vnd jeder zeit dargethan / vnd erwiesen kan werden. Die gleichnissen der Schrift vom wilden Weinstock / verderbtem Ertz / vom Griffel vnd der Taffel des hertzen / Ottergezicht / Unkraut vnd dergleichen / müssen sie auch / wider aller rechten reinen Lerer einhellige meinung hieher reimen / vnd also zumartern lassen / das es zuerbarmen ist / das es von Theologen geschehen sol.

Mit den Schrifften des tewren vnd hocherleuchten
Mannes

Beweis / das die Prediger zu Mansfeld

Mannes Lutheri / gehet man auch nicht besser vmb /
Denn alles / was sich vber hundert meil etwan (wie sie
meinen) mit jren Grillen vergleicht / muss herfür / vnd in
alle Schartecken geflickt werden / Vnangesehen / ob man
eines verstümmelt / das ander verkeret / das dritte nicht
verstehet / wie anderswo genugsam bewiesen. Wir wol-
len aber vmb kurtz willen / nur eins oder zwey der feinen
stücklein / zeigen vnd weisen. Sie machen viel geschreyes
mit dem Loco D. Lutheri aus dem Seruo arbitrio, das für
Gott kein mittel sey / zwischen Gerechtigkeit / vnd Sün-
de. Die wort Lutheri sein diese: Tom. 3. fol. 222. Apud
Deum non relinquitur medium inter iustitiam & peccatum,
quod velut neutrum sit, quasi nec iustitia nec peccatum.
Das ist / für Gott ist kein mittel / zwischen Gerechtigkeit
vnd Sünde / Das derer keins were / weder Gerechtigkeit
noch Sünde. Dieses glosiren sie nu / Der Mensch ist
nicht Gerechtigkeit / Darumb muss er ja Sünde sein /
Vnd wir haben (sprechen sie) also recht vnd gewon-
nen / Lutherus helts mit vns / trotz wer anders saget?
Antwort. Lieben Herren / jr ziehet Lutherum an / wie der
schwartze Disputator den 91. Psalm / Matth. 4. Könnet
jr nicht auch sehen / was da folget zur erklerung / als das
D. Luther darzu setzet: Alioqui disputatio tota Pauli nihil
efficeret, quæ procedit ex partitione illa, aut iustitiam aut
peccatum esse, apud Deum, quicquid in hominibus fit aut
geritur. Das ist / Sonsten richtete die gantze Dispu-
tatio Pauli nichts aus / welche aus der theilung her-
flusst / das entweder Sünde oder Gerechtigkeit bey
Gott sey / alles was im Menschen geschiehet / oder ge-
than wird. So reden nu S. Paulus vnd Lutherus vom
leben vnd thun des Menschen / So ziehens diese auff
Natur vnd Wesen. Eben also handeln sie auch mit dem
Spruche

sich mit den altē Manicheern vergleichen.

Spruche/Rom.14. Was nicht aus dem Glauben gehet/
ist Sünde. Ergo sprechen sie/ ist der Mensch fur der Wis-
dergeburt die Sünde selbs. Da wollen sie nicht sehen/
wouon das Capitel rede / nemlich von Wercken / das ei-
ner den andern mit Essen vnd Trincken nicht ergern sol.
Zum andern / achten sie die glossam Lutheri, so am rande
stehet / gar nichts / da ers deutlich auff die Wercke one
Glauben gethan/ziehet/wie wir hernach hören werden.
Gleiche Kunst brauchen sie auch in den Schmalcaldi-
schen Artickeln / welche als ein gemein Bekenntnis aller
Euangelischen Kirchen / hetten auff's Concilium des
Papsts zu Mantua sollen vberantwortet werden / Da
haben Lutherus/vnd alle Christliche Lerer neben jm/die
Erbünde also beschrieben/ das es sey eine tieffe böse ver-
derbung der Natur/ das sie keine vernunft nicht kenne-
Sondern muß aus der Schrift offenbarung gegleubet
werden. Vnd dieses ist starck genug gewesen / wider den
Papist/ vnd alle Hellische Pforten. Noch dürffen diese
Leute in jrer 17. Ursache furgeben / das wort Verdera-
bung / oder was jm möge gleich gesetzt werden / sey zu
schwach in dieser sachen. In der Graffen ausschrei-
ben / machen sie es noch gröber / vnd sagen / es verklei-
nere die Erbsünde / vnd bestetige das newe Papsthumb.
Eben solche griffe der alten Manicheer / so alles auff jre
meinung gezogen/vnd warheit vnd lügen vnter einander
gemengert haben / brauchen sie auch an dem andern ge-
meinen Gute der Euangelischen Kirchen/ nemlich/ der
Augspurgischen Confession / vnd Apologia. Denn wel-
cher Lerer derselben hat sie jemals also verstanden oder
ausgeleget / wie Spangenberg in seiner Lügenhistoria
thut/da er also deutelt vnd spielet/D.4.a.b.

1. Böse lust vnd neigung/ heisse lüstende Natur.

f

2. Unge

Beweis/das die Prediger zu Mansfeld

2. Angeborene böse art ist freilich Natur.
3. Untüchtigkeit der Natur/ ist untüchtige Natur.
4. Angeborenes vbel heisse so viel als alles / was von Vater vnd Mutter geboren wird / ist Sünde.
5. Verderbung der Natur/heisse verderbte Natur.
6. Angeborene unreinigkeit des hertzens / heisse das gantze unreine hertze.
7. Verrückung der allerhöchsten krefft / heisse verrückte krefft.
8. Mangel vnd blindheit des hertzens / heisse das blinde finstere hertz.
9. Unordentliche luste der Seelen/oder des Hertzen/ muss verstanden werden/ das lustende Hertze/ etc.

Die herrlichen bewerten Kirchen Gesenge / müssen sich auch jemmerlich von diesen Leuten verkeren lassen. Durch Adams fall ist gantz verderbt / Menschlich Natur vnd Wesen/ Dasselbige giffit ist auff vns geerbt/ das wir nicht können genesen / etc. Diesen feinen Gesang leget Spangenberg in seiner Apologia D. 3. a. also aus: Dasselbe giffit (sündlich Natur vnd Wesen) ist auff vns geerbt. Wer hat dieses zuvor jemals gehört? Spangenberg selbs hat dieses noch nicht gewusst / da er diesen Psalm ausgelegt / wie 4. parte Cythare in appendice im Bogen T T. zu sehen.

In dem schönen Gesang/ D. Pauli Sperati / Es ist das heil vns kommen her / Stehen vom Gesetze Gottes diese wort: So ist es nur ein Spiegel zart / der vns zeigt an die sündig art / in vnserm fleisch verborgen. Dirs haben bisher alle fromme Christen nicht anders gerichtet/ als das der nutz vnd ampt des Göttlichen Gesetzes hier eigentlich gegeben sey. Da wider schreibet Spangenberg in seiner Historia T ij. v. die wort kan kein Gottloser Mensch mit

sich mit den altē Manicheern vergleichen.

sche mit warheit singen. Item/ T. 3. a. Es gibt gedachtes Liedlein gnugsam zuersehen/ das vnserer verderbte Natur die Sündige art ist.

Was düncket dich nu wol/ lieber Christ/ wenn ein jeder Schwarmkopff/ also mit seinem ist/ heist/ mus verstanden werden / Kan nicht anders verstanden werden/ die Schrifft/ vnd gemeine Bekentnis der Kirchen/ geistliche Lieder etc. wider den klaren hellen Buchstaben mag auff seine gefaste grillen / one widerstand ziehen / Was werden wir doch wol in kurtzen jaren für eine Religion haben? Nicht anders gehet man auch bey diesen Leuten vmb / mit anderer Christlicher Lerer Schrifften / vnd schonen eins theils irer lieben Eltern vnd Väter nicht/ Die müssen jetzund im Grabe das helffen loben vnd billigen / das in die zeit irer lebens nie in den sinn ist komen. Haben diese Herrn nun den Manicheern ire kunst nicht gnugsam abgelernt/ so mögen sie es noch besser lernen/ vnd erger machen/ so lange es Gott verhenget.

Zum achten/ Augustinus saget/ das die alten Manicheer jnen solch ein Teufelisch Privilegium nemen: *Ut quicquid est in Euangelio vel in Epistolis Canonicis, quo adiuuari hæresin suam putent, id esse à Christo, & Apostolis dictum teneant atq; audiant. Quicquid autem ex eisdem codicibus aduersus eos sonuerit, immissum esse à falsatoribus ore impudenti ac sacrilego non dubitent dicere.* Das ist/ Alles was im Euangelio vnd angenommenen Episteln funden wird / dardurch sie vermeinen / das irer Ketzerey Köne geholffen werden/ das halten / vnd achten sie als Christi vnd der Apostel rede. Was aber in denselben Büchern wider sie lautet/ schewen sie sich nicht/ mit vnverschempten lesterlichem Maul zusagen / Es sey von den Verfalschern hinein geflickt.

8.

Lib. 22. c.
15. contra
Faustum

Beweis/das die Prediger zu Mansfeld

Solch jr Privilegium/ wollen trawen ire itzige Jün-
ger zu Mansfeld / vnd anderswo auch haben / Was sie
finden in guten Büchern / das sie vermeinen zu irem vor-
theil vnd beschönigung zu brauchen/das wissen sie nicht
genugsam zu zeigen vnd auszuruffen. Was in aber nicht
dienet/das wissen sie fein zu eludirn/ vnd hönisch auszu-
lachen/ vnd wissen im diesen vnd jenen tadel zu finden.
Es berichten glaubwürdige Leute / das etliche vnter die-
ser Gesellschaft / da man inen den Spruch des heiligen
Jobs cap. 19. hat fürgehalten / vnd aus demselben den
vnterscheid zwischen Menschlicher Natur vnd Erbsün-
de erwiesen / haben sie sich lassen hören / was man aus
Job wolle beweisen / man wisse nicht / wer das Buch
geschrieben / es gehöre vnter die Apocrypha &c. Wenn
sie aber dieses ja/ irer art nach/ leugnen/ vnd nicht gestes-
hen wolten/ so liese/was M. Spangenberg in seiner Apo-
logia T. 3. a. schreibet / Da wird ime fürgehalten ein
Spruch aus der Hauspostilla Lutheri / am Sonntage
Judica / welchen er wider seinen willen / den ansehen-
lichsten muß nennen / Da der Doctor nach der lenge
vnd gantz deutlich beweiset/ Man müsse das Wesen des
Menschen / oder seiner glieder / vnd den brauch vnters-
cheiden/etc. Da brauchet zwar Spangenberg erst seine
deuteleien vnd ausflüchten/wie seine gewonheit ist. Da
im aber solcher Text allzu helle vnter die augen leuchtet/
hebet er letztlich an / vnd schreibet also: Vnd ist am aller
verdrieslichsten. das sie (D. Weshusius/vñ M. Schop-
pius) einen einzelnen Spruch aus der Hauspostilla / die
doch von andern als gut sie gekont / mit der Feder / aus
Lutheri munde auffgefangen worden/ heraus ziehen/an
einem solchen ort / da doch Lutherus nicht eigentlich
von der Erbsünde redet/etc. Wie düncket euch nun lies-
ben

sich mit den altē Manicheern vergleichen.

ben Hausueter vnd Hausmütter / die jr diss Buch Lutheri lieb vnd wert haben? Solte wol M. Spangenberg jetzt nicht ein besser Manicheischer als Lutherischer Discipel sein? Die Hauspostilla ist bey D. Luth: leben ausgegangen / vnd von jm vbersehen / auch mit einer Vorrede commendiret / noch darff sie Spangenberg verdecktig machen / weil sie an gemeltem orte / wider seinen Illyrischen Manicheischen schwarm ist. Was würd aber Spangenberg auch seins teils fur behelff behalten / wenn solch sein ausflucht gelten solte? Sein nicht beyde Commentarij in Genesis, die auslegung vber den 51. Psalm / die schönen Predigten vber etliche Capitel in Johannem / vnd andere viel nützliche Schrifften Lutheri / auch vom Herrn D. Crucigero, Vito Theodoro, vnd Georgio Rorario, aus Lutheri munde auffgefangen worden? Wil er nun die auffgefangenen Schrifften alle verdecktig machen / so werden die herrlichen Tomi vnd Bücher des Manns Gottes Lutheri sehr klein werden. Noch wil Spangenberg der furnempste Discipel Lutheri sein / vnd gehet mit seinen Büchern vmb / wie die Manicheer mit der heiligen Schrifft Büchern / Was rechtschaffen vnd beweret ist / macht er verdecktig / wenn es jme nicht dienet / Wo er aber fur sich etwas findet / das mus authenticum sein / wenns gleich nur in Tischreden stünde / die doch aus mancherley Schrifften vnd Exemplarn (so nicht alle so beglaubet gewesen / als Vitus Dieterich mit der Hauspostillen) zusammen gelesen sein. Vnd diss ist nicht vnser Vrteil / sondern es stehet Dominica iubilare in der Ihenischen Hauspostillen / da Lutherus selbs saget: Ich muss auch von mir bekennen / das ich viel wort rede / welche nicht Gottes wort sind / wenn ich rede aufferhalb dem Predigamt daheim vber Tisch / oder sonst. Das herrliche

Beweis/das die Prediger zu Mansfeld

liche Buch die Kirchenpostilla / darauff er sich furnemlich berufft / verstümmelt er bösslich / lest D. Luthers erklerung aussen / wenn er gleich ein wort selbs zehenmal auslegt / wie der vnparteyische Leser selbs befinden wird / vnd wir im Bericht auff Spangenberg's Bekenntnis deutlich gezeiget haben. Noch ist er Engelrein / vnd hat nie kein wasser betrübet / Vnd haben nur die vnrecht gethan / welche im aus gutem grunde widersprechen / vnd die newe ergerliche Paradoxa nicht loben noch billichen / oder die dem lieben Luthero zumessen lassen können.

9. Zum neunnden / Centuria 3. historiae Ecclesiasticae Magdeburg. fac. 112. saget / Das Manes also vermessen gewesen / das er gerhümet habe / er sey der heilige Geist / Habe auch / wie Augustinus zeuget / das Buch der Apostel Geschicht verworffen / weil darinnen beschrieben wird / die sendung des rechten waren heiligen Geistes / vnd Manetis stoltz deutlich widerleget ist. Auff solchen schlag binden vnser Widertsacher / den heiligen Geist / vnd rechten verstand der Schrift / als ein gabe des heiligen Geistes nur an sich / vnd iren anhang. Denn Spangenberg hat mit eigener hand / an eine Person / die ime wol bewust / geschrieben : Wer von dem Manne Gottes Illyrico sich abwende / oder nur wider in sey / der werde zusehens / non obscure sagt er / subinde fur vnd fur vom heiligen Geiste verlassen. Ist nun das nicht zu viel / so ist's gewis gar genug. So rhümen sie auch / das in im Eusebischen Colloquio sonderlich vom D. Geist sey eingegeben / das sie in beschreibung der Erbsünde das genus definitionis scherffen sollen &c. Also haben diese Leute auch sonderliche reuelationes vnd offenbarungen vom D. Geiste / wie etwan die Widerteuffer auch haben wolten.

Ferner haben auch die Manicheer iren stoltz damit genug

sich mit den altē Manicheern vergleichen.

genugsam an tag gegeben / das sie sich nicht Manicheos / tolle vnfinnige Heiligen / Sondern Mannicheos / als die eitel Manna Dimmelbrot / vnd Dimplische Lere brechten / genennet haben. Disz stehet im Augustino de hæresibus ad Quoduultdeum de Manichæis. Item, Censura 3. hist. Ecclesiast. fac. 117. Die kunst haben die Jünger zu Mansfelt auch redlich von jnen gelernet / die rühmen sich vnd jren Anhang alleine / vnschuldige Werterer / beständige Lerer vnd Bekenner / Was sie furgeben / vnd die jren / ist alles Christlich / herrlich / ausführlich / dapffer / wolgegründet / wolgestellet / etc. Was andere dawider sagen / aus gutem grande Göttliches Wortes / ist alles vnchristlich / leppisch / kindisch / nichtig / vngegründet / zusammen geraspelt etc. Wer solche feine Elegantias, wie sie einer den andern wissen zu krauen / vnd zu loben / vnd hoch zu heben / vnd sanfft zusetzen / begeret zu wissen / der lese die langweilige Historiam Spangenberg / so wird er daraus befinden / das es jnen gehet nach dem Sprichwort: Sie müssen sich selber loben / die Nachbarn sein vbel gerathen.

Es meldet auch die Kirchenhistoria weiter / fac. 117. Das die Manicheer auch jren vbermessigen stoltz / mit dem Titel jrer Bücher / haben zuuerstehen gegeben. Eins ist intitulirt Manichæi mysteria, die heimlichen oder verborgene Leren der Manicheer. Ein anders hat geheissen / Thesaurus magnus, Thesaurus parvus, der grosse vnd kleine Schatz / etc. Eben also rühmen die jetzigen / jr Preceptor Illyricus / vnd sie haben erst rechten grund funden / wie man Papisten / Synergisten / vnd andere widerlegen sol / das zuvor andern verborgen gewesen / Darumb müssen ire Bücher auch heissen / Clavis scripturæ, Orthodoxa confessio, Evidentiis demonstrationes, vnd dergleichen.

Zum

Beweis/das die Prediger zu Mansfelt

10.

Zum zehenden / meldet die Kirchen Historia / vnd S. Augustinus / das nach deme viel hoher vnd furtrefflicher Leute / welche in 3. vnd 4. Centuria hin vnd wider namhaftig gemacht werden / jnen mit ernste widerstanden / haben sie sich entlich auff den rancß geleet / das sie die Leute haben bereden wollen / jre Lere sey derhalben recht / weil wenig Leute derselben beysfall geben / oder dabey verharreten. Disß können die jetzigen auch / da die vernomen / vnd noch teglich erfahren / das viel furtrefflicher Theologen jnen zum theil in offenen Schrifften widersprechen / zum theil sonst vbel mit jnen zu frieden sein / da legen sie sich auch auff solche schalcksseite der Manischeer / wie aus Irenæi Apostasia / den Mansfeldischen Fragestücken / vnd Wincken Schartecken zusehen / da sie sich schlechts fur das kleine Neuslin / welches da gerne gros sein wolte / (wie auch in jren Predigten) ausgeben / vnd rhümen.

Darauff antworten wir / Erstlich also: Sie solten zuvor beweisen / das die newen Leren vnd Reden / die sie eingefüret haben / recht vnd war weren / vnd in Gottes Wort gegründet / Vnd darnach anzeigen / das es nicht seltsam sey / Das rechtschaffene Lere wenig beysfall habe. Nun aber keren sie es vmb / vnd schreien / jre Lere sey recht / weil sie ein klein eigensinnig Neuslein sein. Mit der weise würden die newen Arrianer / Antitrinitarij / die Widerteußer / Schwencckfelder / Psiander / vnd andere Kottengeister / denen Gott lob vnd danck / noch die meisten Kirchen Deutscher Nation widersprechen / auch recht haben / Vnd würden Judas / Simon Magus / vnd andere auch Heiligen werden / wenn das kleine Neuslein stets recht hat.

Derhalben sagen wir mit dem heiligen Augustino /
da er

sich mit den altē Manicheern vergleichen.

da er wider den Manicheer Secundinum / cap. 26. schreibet / der eben dieses furwendete / also : Vide ergo , ne forte apud vos nimius horror impietatis faciat meritum paucitatis. Talia quippe ibi leguntur , dicuntur , creduntur , vt in illum errorem magis aliquos quam paucos irruere , vel illic remanere mirandum sit. Das ist / Sihe du zu / das nicht die furcht oder der abschew / fur ewerem Gottlosen wesen / verursache / das ewer wenig ist / Denn furwar bey euch solche ding gelesen / geredt / vnd gegleubet werden / das es mehr zuuerwundern / das noch etliche / als das wenige / solchem Irrthumb beysfallen / oder darinnen bleiben.

Item / das er schreibet lib. 2. de verbis Domini in monte, Hic ergo illi , qui promittunt sapientiam cognitionemque veritatis , quam non habent , præcipue cauendi sunt , Sicut sunt hæretici , qui se plerumque paucitate commendant. Das ist / Die sol man sich furnemlich fürsehen / fur denen / die grosse weisheit vnd erkentnis der warheit fürgeben / welche sie doch nicht haben / Wie die Ketzer thun / welche gemeiniglich deshalb wollen gerhümet sein / das jr wenig ist. Solcher vnd dergleichen hendel / kōndten wir aus der Kirchen Historia / vnd S. Augustini Büchern / de moribus Manichæorum , gar viel mit aller warheit anziehen / wenn der Kirchen damit gedienet / vnd wir so gute lust hetten / den Koth zu rüren / wie vnser Splitterrichter Irenæus vnd Spangenberg / welche / damit sie nur grosse Bücher schreiben / das aller geringste / an vns / vnd andern trewen Lerern / auff's aller feindseligst exagitiren kōnnen / vnd doch die warheit dabey offtzumlich sparen. Wir wollen aber des Christlichen Lesers verschonen / vnd in der Lesterkunst vnsern Widersachern den vorzug gerne gönnen / vnd vns dagegen vnsern guten frölichen

Beweis / das die Prediger zu Mansfeld
lichen Gewissens / bey einer guten sache / durch Göttliche
verleihung / trösten.

So haben wir bisher dem Christlichen
Leser geweisert / in welchen stücken vnd reden sich vnser
Widersacher mit den alten verdampften Kettern den Ma-
nicheern vergliechen. Vnd haben hierinne anders nicht
denn auffrichtig gehandelt / also / Wie wir die Manicheis-
schen reden / aus der Kirchenhistoria / Augustino / Epi-
phanio / vnd andern alten Lerern erzelet / Also haben wir
vnserer Widersacher eigene worte / wie sie in iren Bü-
chern stehen / dagegen gehalten. Vnd lassen nun hievon
alle Christen frey nach eines jeden Gewissen richten / vnd
aussagen / Ob in recht / oder vnrecht geschehe / das man
sie für Manicheer halte / vnd Manicheer nenne? Wir
wolten inen wol gönnen / sie machtens also / das man sol-
ches von inen nicht schreibē / noch sie vberweisen dürffte.

Es seind aber vnserer Widersacher noch so freuel / vnd
mutwillig / das sie nicht alleine / wie anfenglich gedacht /
vns solchen beweis trotziglich abfodern / Sondern vn-
terstehen sich auch durch grewliche / vnd vermessene Ca-
lumnien / auff vns den Manicheischen Schwarm / deme
wir mit gebürlichem ernste widersprochen haben / vnd
noch widersprechen / zu dringen / Aber alles mit solchem
behelff / das es hoch zu wundern ist / das sich die Leute
weder für Gott fürchten / noch für den Menschen sche-
men / vnd nicht dencken können / das auch die Kinder so
freuelen mutwillen mercken / vnd verlachen. Vnd in dies-
sem stücke / mit Calumnien vnd freueler verkerung / der
hellen deutlichen worte / andere zuuerlestern / ist Ireneus
ein sonderlicher schentlicher böser Meister / vnd hat seine
holhipperische Sycophantische kunst / in der nechsten
Schrift / welche er Erinnerungē nennet / tapffer bewei-
set. Weil

sich mit den altē Manicheern vergleichen.

set. Weil sich aber die Wolgeborne D. G. D. auff dieselbe als eine ausführliche Schrift / in irer G. newen Bekentnis / beruffen / So müssen wir dieselben beweis / vnd vrsachen / damit Irenæus vns zubesaddeln vermeinet / für nehmen / kurtz weisen / vnd anzeigen / mit was vngrunde / ja / wie gedacht / mit was Calumnien / vnd Sycophantischer verkerung solches geschehe.

Es sol aber dieses die erste vrsache solcher beschuldigung sein / Das Doppenrod / vnd Wir / etwan die Sünde böse / oder ein böse ding / ein vnflat / vnreinigkeit / Teufels gift / Teufels dreck / Sawerteig / vnd dergleichen genennet haben. Daraus schlenst Irenæus / Solches könne kein Nihil negatiuum sein / Sondern / es müsse etwas Reale, materiale positium sein. Vñ also / spricht er / wirds erwiesen / das die Lisleber / vnd Doppenrod Manicheer sein. Denn die Manicheer haben auch furgegeben / Die Erbsünde sey eine sonderliche Substantz vnd Wesen / mit des Menschen wesen vermischet / etc.

Hierauff antworten wir / das dieses eine öffentliche Calumnia ist / ein falsch zeugnis vber vns / vnd eine gewolliche lügen wider Irenæi eigenes Gewissen / Auch wider die öffentliche that vnd erfahrung. Denn es streiten ja beydes Doppenrod vnd Wir dawider mit gantzem ernste / das wir die Sünde nicht wollen eine Substantz sein lassen / weder fur sich selbs / noch vnser Substantz / vnd wesen. So setzet Doppenrod ausdrücklich diese worte in seiner antwort: Wir sehen aus der Schrift / das Erbsünde kein Substantz / kein sonderlich wesen in vns / oder vnser eigen wesen sey / B. i. b. Wo kan vns denn der gewolliche Sycophant zumessen / das wir mit den Manicheern / aus der Sünden ein sonderliche Substantz machen? Es weis auch Irenæus sehr wol / das wir diese worte /

Beweis/das die Prediger zu Mansfelt

die er vns so freuentlich / vnd schentlich verkeret / vnd missdeutet / nicht für vns selbs erfunden / vnd alleine gebraucht haben / Sondern das sie viel andere reine Lerer der Kirchen / auch Lutherus selbs für vns viel vnd offft gebraucht haben / dessen man vnzelich viel Exempel / auch aus vnserer Widersacher eigenen Büchern anzieshen köndte. Daraus denn Landkündig / ja Weltkündig ist / das Irenæus vnd sein Nauffe mutwillige freuele Calumniatores sein / Das sie das verkeren / vnd missdeuten dürffen / das bisher in der Kirchen Gottes / one einizges Menschen missuerstand gebreuchlich gewesen ist. Vnd ist am hellen offentlichen tage / das eben er Irenæus / vnd die seinen darüber fechten vnd streiten / das sie erhalten / Die Erbsünde sey etwas wesentliches / aliquid reale, vnd substantia, Noch dürffen sie solches auff vns vnd andere erdichten / die wir dawider streiten / vnd beyder gebreuchlichen Lere / vnd Rede der Kirchen in rechter einfalt bleiben / vnd bestehen. Was kan man solchen Leuten inimmermehr zutrawen / die one warheit / vnd wider so offentliche erfahrung / vnd jr eigen Gewissen / lestern vnd liegen / Solten die auch Gott fürchten?

Der andere beweis Irenæi sol sein / das er auch aus Dopperods Antwort etliche worte zwacket / wie er für gibt D. 4 a. das Dopperodt schreibe / Die Sünde sey / das böse selbstendige ding / das vom Teufel geschaffen ist. Ist aber das abermal nicht ein grausamer Teuflischer mutwille / ja eine grobe offentliche lügen? Denn Dopperodt hat in seiner Schrift / das wort / Beschaffen / nicht zur Sünde / Sondern zum Menschen gesezt. Denn er saget von der Sünde / das sie vom Teufel sey / wie auch die Schrift also redet. Noch darff jme Irenæus / als ein toller vnd törichter Falsarius solche worte hinein

sich mit den altē Manicheern vergleichen.

hinein flicken. Vnd wil mutwillig nicht sehen/das Dopperodt B. 2. a. schreibet / Die Erbsünde kömpt her vom Teufel/ vnd vom Menschen. Wie kan er denn sagen/das sie von Gott geschaffen sey. Aber Dopperodt / wird auff Irenæi Sycophantische Calumnien seine antwort selbs thun / vnd dieses Lesterers freuel vnd lügen gnugsam aller Welt fur augen stellen.

Der dritte beweis sol sein / das Er X. 1. a. b. 3. etwan in den Censuris / der reinen benachbarten Kirchen funden hat/das gesagt wird/ Die Erbsünde sey mit der Natur vermischet/oder vermenget. Item/das Dopperodt geschrieben/ Die Sünde sey in die Natur geklicket. Dieses sol auch der rechte Manicheismus sein. Da wird auch ein Zettergeschrey erhoben/als mache man aus der Sünde was wesentliches/ vnd selbstendiges. Aber dieses seind auch nur feddern / mutwillige lügen vnd Calumnien zum schein / vnd behelff erdichtet. Es ist aber hierauff schon fur langest / in vnserer notwendigen Verantwortung/ genugsamer bericht geschehen. Darans zu erssehen / das Irenæus ein mutwilliger fursetzlicher Sycophant vnd Calumniator sein wil. Kürtzlich aber / geben wir auch noch diese einfeltige richtige antwort/Das sich Irenæus erstlich in seiner Calumnia selbs widerlege/da er den Spruch Augustini einfüret/Mit welchem wir hiemit fur Vns / oder Augustinum an vnserer stat/auff Irenæi verkerung antworten lassen. Also aber schreibet Augustinus / wie Irenæus seine worte X. 1. b. anzeucht: Malum non ex alia substantia, quam Deus non condidit: sicut Manichæus insaniuit, nobis est permixtum. Das ist/ (wie ers selbs deutschet) Das böse oder die Sünde ist nicht aus oder von einem andern vnterschiedenem wesen/so Gott nicht geschaffen/wie der Manichæus schwer

Beweis / das die Prediger zu Mansfeld

met / mit vns oder vnserem wesen vermischet. Bey dieser meinunge Augustini bleiben wir auch. Vnd wird Irenus / er calumniere / liege / vnd lestere so sehr er kan / mag / vnd wil / nichts anders auff vns bringen. Es ist zwar aus angezogenem Spruche Augustini gantz richtig / vnd klar / das die Manicheer geleret haben / Die Sünde sey eine eigene Substantz / mit dem Menschlichen wesen vermischet / also das zwo Substantien in einander gemenet sein sollē. Wie wil aber Irenus diesen schwarm auff die reinen Euangelischen Kirchen bringen / vnd beweisen / welcher worte er nicht alleine so bösllich arrodiret / sondern auch Teuflischer weise verkeret? Denn das dieselben Kirchen in jren Censuris etwa die worte gebrauchet haben / Sünde sey eine jemmerliche verderbung / verkerung / vnreinigkeit / sawerteig / mit vnser gantzen Natur vermendet / Ist ja so vngerechlich vnd so seltsam nicht geredet / das man daraus rechtschaffenen Lerern grewliche verdampfte Ketzerrey zumessen solte / Sintemal die Schrift / vnd Lutherus solche vnd dergleichen reden auch gefüret. Esai. cap. i. vergleicht die Sünde Coccino blutfarbe / oder Rosinfarbe / Damit anzuzeigen / das wie die farbe sich durch das gantze Tuch zeucht / ausbreitet / vnd einfrisset / Also sey auch die Sünde durch alles gedrungen. Dergleichen worte auch Lutherus Genes. 3. im grossen Commentario brauchet / die fast dahin lauten / wie im 109. Psalm stehet / da er spricht : Der Fluch ist in jr inwendiges gegangen. An ein andern orte / vergleicht Esaias die Sünde Panno menstruate, Wie es nun darumb gelegenheit hat / ist auch nicht vnbekant. Item / Sanct Paulus in der i. Epistel zum Corinthern am 5. Capitel / vergleicht sie einem Sawerteig / der den gantzen Teig versewret / durch krencht / vnd mit demselben

sich mit den altē Manicheern vergleichen.

ben durch vnd durch vermischet ist. Muss nun Ire-
næus diese / vnd andere worte der heiligen Schrift / one
Calumnien richtig / vnd gut bleiben lassen / der doch
selbs von der Sünde also redet / die vns anklebe vnd an-
hänge / Wie Kost Am Eisen / Im Ersten theil seines
Symboli X. 4. a. 1. Was wil er denn rechtschaffene Le-
rer gefehren / die mit der Schrift worten reden? War-
umb wil er jnen Irrthumb zumessen / da sie desselben
im aller geringsten / weder verdacht / oder vberweist
sein?

Lutherus saget in den Schmatcaldischen Artickeln /
Weil die Sünde so eine tieffe böse verderbung der Men-
schlichen Natur ist / das man sie aus der Vernunft
nicht erkennen kan / sondern man muss sie aus der
Schrift offenbarung glauben / Warumb solte man
nicht auch sicher können / mit der Schrift / vnd des
heiligen Geistes worten vnd gleichnissen von jr reden?
Aber es ist bey Ireneo / vnd seinem Hauffen / nichts
denn fürgesetzte bosheit / vnd mutwille / vnd hass gegen
die Personen / den sie gern zu wolten / Denn was sie an
vns / vnd andern rechtschaffenen Lerern Sycophanti-
scher weise verkeren / das können sie an irem Illyrico /
den sie durchaus canonisiren / für einen Engelreinen
Martyrer halten / nicht alleine wol leiden / sondern auch
zum aller besten deuten vnd auslegen. Nu aber schreibet
Illyricus in seinen Demonstrationibus fol. 173. also: Tanta
est commixtio, coniunctioq; originalis iniusticiæ seu imagi-
nis Sathanæ, cum nostra Substantia, tanq; ei formaliter ac
essentialiter inhæreret, Es ist eine solche vermischung vnd
verwandnis / der Erbungerechtigkeit / oder des Bildes
des Teufels / mit vnserem Wesen / gleich als hienge es
im wesentlich / vnd formaliter an.

Wer



Beweis / das die Prediger zu Mansfeld

Wer saget nu hie von vermischung vnd vermengung des Wesens / vnd der Sünde? Thuts nicht Illyricus? Wer redet von der Sünde / das sie anlebe wie rost am Eisen? Thuts nicht Irenæus? Ist denen one gefehr / Warumb nicht auch andern? Aber jr antwortet / wie jener: Das ist ein anders / denn das war des Schultheissen Ruhe.

Der vierde vermainte beweis Irenæi / ist ein gantz rasender vnsinn / Da er X. 2. a. b. furgibet: Wer da vnterscheidet zwischen der Menschlichen Natur / vnd der Erbsünde nach dem falle / der sey ein Manicheer. Denn S. Augustinus füret / vnd setzet diesen vnterscheid / an vnzähllich viel örtern / wider die Manicheer / Welches denen / so Augustinum gelesen / bekant ist / denn das es von vernünftigen Menschen kan verleugnet werden. Wie wil vns denn der vnsinnige Irenæus dieses vnterscheids halben zu Manicheern machen?

Wir haben aber die Lere von dem vnterscheide / dermassen aus Gottes Wort / Augspurgischer Confession / dem heiligen Catechismo / Luthero / alten vnd newen reinen Lerern / vnd Christlichen Censuris / gegründet / das er von Irenæo wol vngelassen / vnd vnümbgestossen bleiben wird / Vngeacht wie bitter vnd heßlich / er vnd sein hauffe / denselben anstechen vnd anmeulen. Contra morsum Sycophantæ non est remedium, saget das alte Sprichwort. Lesterer können alles verkeren / Das müssen wir auch inne werden.

Der fünffte beweis / Das wir Manicheer sein sollen / stehet X. iij. b. in Irenæi Lesterbuche darauff / das er furgeben darff / Wir brauchen das wort Corruptio. Verderbung / wie die Manicheer. Das ist nun auch offentlich erlogen. Es heisst da demonstrandi, Irenæi beweis
seind

sich mit den altē Manicheern vergleichen.

seind lautere deutleien / vnd nerrische Grillen / die bisher in vnsern Kirchen vnbekant / vnd newlich in Illyrici Manicheischen Kopff / vnd gehirn ausgeheckt sein. Wir brauchen das wort Corruptio Verderbung mit Luthero / vnd der gantzen Kirchen in dem verstande / wie es der klare Buchstaben mitbringet / Danon wir in vnserer Notwendigen verantwortung / gnugsam berichtet haben / darbey wirs auch itzt bleiben lassen / vnd warten darüber aller Gottfürchtiger Lerer erkentnis.

Die sechste beschuldigung des Manicheismi X. 3. b. Y. 1. a b. Ist abermal eine lautere schendliche Calumnia / vnd stimmt mit der ersten vberlein. Sie ist auch in vnsern Schrifften nicht zu finden / das wir leren solten / das die Sünde etwas / das von aussen an die Natur komen were / sein solte. Denn in vnserem Grunde der Lere von der Erbsünde / vnd in andern Schrifften protestirn / vnd bedingen wir vns ja ernstlich gnugsam / das vns die zeit vnser lebens niemals in sinn komen ist / das wir leren wolten / das die Sünde ein sonderlich selbstendig vnterschiedenes böses ding sein solte / Sondern wir bleiben bey der einfeltigen bekanten Lere / das die Erbsünde sey vnd heisse / eine gründliche tieffe verderbung der Menschlichen Natur / vnd sagen nicht von etwas / das ab extra drein gegossen sein solte. Mit Luthero reden wir / der Rom. 7. Jen. fol. 149. a. also schreibet. Der Teufel kam zu Adam / vnd brachte in in vngheorsam / verderbte ime die schöne fromme Seele / vnd reinen Leib / da war es schon falsch / vnd eitel vngheorsam / ja so tieff gefallen / das er auch fleuget fur Gott / in nicht leiden kan / wo er in sibet / vnd höret / welches er zuuor nicht gethan. Also seint wir durch in alle / das wir von Natur Gott nicht kennen / die Vernunfft verblendet / der Wille abgewand ist / Bey dieser richtigen

D Lere

Beweis/das die Prediger zu Mansfelt

Lere vnd einfalt bleiben wir / vnd lassen Ireneum / vnd seinen anhang mehren vnd wülen in Gottseliger Leute Schrifften bis ers müde werde. Der Sprach S. Augustini Ad Quod uult deum de substantia gentis aduersæ Ist wider in selbs/wie wir oben genugsam erwiesen haben.

Der siebende beweis V iij b. ist/das wir leugnen solten Mutabilitatem naturæ bonæ in malam. Das haben die Manicheer auch gethan. Wo mit beweiset Irenæus dz? Antwort: Wir wollen Illyrico seine Essentialem transformationem vnd transsubstantiationem nicht billigen. Die solte Irenæus beweisen / das von solcher Illyrischen Transsubstantiation in der Schrift stünde. Vnd das die Propheten/ Apostel vnd Christus gelert hetten / Hominem per Sathanam esse transsubstantiatum, Das der Sathan aus dem ersten Menschen einen andern / aus seiner Substantia ein ander newe gemacht vnd geschaffen habe. Wie jr Illyricus offte schwermet / das er spricht: Der Sathan habe ein newes Wesen gemacht / vnd habe die Sünde gezeuget / danon sie ein Wesen sey vnd heisse/ Aber da ist kein beweis. Es heist αὐτοσ ἐφα, Unser Meister hats gesaget/ Es ist beweist genugsam/wens der Mann saget/ wer dem Manne nicht gienbet / der wird vom H. Geiste verlassen. Aber es mag Irenæus hie ligen / vnd lesen was er wil/ so ist es nicht war/das wir mit den Manicheern Mutabilitatem verleugnen / vnd nicht zu geben solten / das der heilige / gutte vnd reine Mensch nicht hette können verwandelt / vnd sein Wesen verderbet vnd böse werden/oder das wir leren solten de aliena natura separanda, Sondern wir brauchen Lutheri worte/einfeltig vnd richtig / wie sie Irenæus / ehe er mit dem newen schwarm verführet vnd beladen wurden ist / in seinem Symbolo I i. b selbs setzet vnd anzeugt / da er spricht:
Sünde

sich mit den altē Manicheern vergleichen.

Sünde vnd Tod sint mala separabilia, solche böse dinge/
die von der Natur können wider abgesundert vnd ausge-
setzet werden/wie sie darein geschmeist sein. Also hat Ire-
neus fur dieser zeit selbs aus Luthero geschrieben vnd ge-
redet/ warumb misdeutet er vns denn nu eben dieselben
worte/ so zuuor recht vnd gut gewesen sein? Ist das noch
nicht Neid/ Dass vnd fursetzlicher Mutwille?

Auch macht sich Irenæus 3. 1. b darüber seher ver-
wehnet/ das etwa in diesem Streitte geschrieben ist/ Die
Sünde solle nicht ewig in der Substantz Leib vnd Seele
des Menschen bleiben/ sondern abgethan werden / das
mus er auch mit seinem Manicheischen Küssel beseifern/
vnd mus bey jme eine Manicheische separation sein. Aber
hierauff haben wir jetzt newlich geantwortet / wie wir
das wort separare, verstehen vnd brauchen / Wir wollen
aber zum vberflus auch D. Luthers worte hieher setzen/
darinne er eben das redet / das Irenæus an vns als Ma-
nicheisch straffen/ verwerffen vnd tadeln/ ja mutwilliger
Sycophantischer weise caulliren vnd verkeren darff. Al-
so aber schreibet Lutherus Tom. 1. fol. 408. b. S. Petrus
2. Petri vlt. saget: Das Gott wird newe Himmel / vnd
newe Erden schaffen am Jüngsten tag/ in welchen nicht
Sünde/ wie in diesen / sondern Gerechtigkeit wohnen
sol. Weil denn (spricht Lutherus) im vergangen Artickel
erwiesen ist / das der Zunder Sünde sey / ist es aller Ver-
nunfft offenbar / das in den Himmel niemand wird kom-
men/ dieselbe Sünde sey den zuuor abgelegt. Sie werden
nicht mit Sünden hinnein fahren one zweiffel. Wiewol
aber diese Wahrheit/ so offenbar ist/ das kein not were sie
zu beweisen/ Sintemal niemand so töricht ist (ausgenom-
men Irenæus) das er halte/ man möge mit Sünden gen
Himmel komen. So füre ich noch einē spruch. S. Paulus: Ephes. 5

Beweis/das die Prediger zu Mansfeld

Christus reiniget seine Christenheit/durch die Tauff des Wassers vnd Euangelij / auff das er im selbs zu Hause führe eine Braut/die Herrliche Christenheit/die da keinen Flecken noch Kuntzel/noch etwas dergleichen habe. Ich meine je das S. Paul. hie öffentlich leret/ Es muss keine Sünde mit gen Himmel fahren / So weder Fleck noch Kuntzel / oder irgend ein böse malzeichen hinnein sol. Liefs ferner daselbs.

Item fol. 470. schreibet Lutherus. Wer möchte vns Selig machen/ Der nicht die Sünde/ vnd Tod von vns neme. Dergleichen Reden sint viel mehr in Luthero/ daraus der Christliche Leser hört / wie auch Lutherus einseitig / schlecht vnd recht / von abthuhung vnd wegnehmung der Sünde / aus vns redet. Warumb kans denn der mutwillige Calumniator Ireneus nicht leiden / das wir Luthero seine worte nach reden vnd schreiben? Wil er aber je in seiner Substantz die Sünde nicht allein behalten/ sondern auch (wie sein geschrey lautet) die Sünde selbs sein vnd bleiben / so mag er zusehen in welchen Himmel er kommen werde. Gott behüte vns fur solchen Leuten / vnd mache ires freuelns vnd lesterns entlich ein ende / Amen. Aus diesem aber ist nu offenbar das Ireneus vns Predigern zu Eisleben/ so wol als Dopperrosden vnd andern/ den Manicheischen Schwarm vnd Irthumb/ darinnen er selbs bis vber die Ohren steckt / one grund vnd auffrichtigen Beweis/ mit lauterer verkerung vnd blossen Teufelischen Calumnien zu messen/ vnd aufftichten darff / daraus man seine redligkeit / vnd Gottesfurcht / die allenthalben / an iren fruchten ausblühet / vberfluffig vnd genungsam spuren kan. Gott bekere in / ist fur in zu bitten / oder wehre in/ wie er zuuor manchem Lestere mehr gethan hat.

Weil

sich mit den altē Manicheern vergleichen.

Weil aber Ireneus auch etliche vnserer Gnedigen Herren / mit seinen Sycopantischen Calumnien so fern ein genommen / das sie ime glauben / auch in irer nechst ausgegangenen bekentnis auff Irenei vngegründtes Lesterbuch (wie wol one Namen) weisen / bitten wir vnterthenig jr Gnaden wollen vns / was sie von andern begehren / auch gnedig erzeigen / vnd vns ein Ohr furbehalten / diese vnser antwort vernemen vnd erwegen / vnd nicht so balde / auff vngegründte calumnien vrteln / Sondern der warheit selbs nachdencken / vnd anderer Leute bedencken / vnd erkentnis auch etwas gelden lassen. Dazu der getrewe Gott sein gnad vnd D. Geist verleihe / Amen.

Letzlich / damit vns ja Ireneus bey aller Welt mehr beschwere / darff er vns auch zu Pelagianern machen. Wie Le 1. bis auff Dh iij zu sehen. Aber mit gleichem vngrund vnd Calumnien / wie er zuuor vns des Manicheismi beschuldiget hat. Denn er darff nicht thun / wie wir in dieser schrift / ime vnd den seinen gethan. Das er der Pelagianer Irthumb erzelt / vnd vnser Schriftten auffrichtiger weise da gegen stelte / vnd also klar beweiset / was er vns schuld geben darff. Sondern er fladdert hin vnd her / zwacket etwan ein wortlein / das caulliret / dehnnet vnd deutet er wie er kan vnd mag / das es Pelagianisch sein sol / darauff setzet er seine Censuren / vñ schlecht mit allen Blocken zusammen / als habe er alles erhalten. vnd erweist / was er mit seinen Cauillis vnd Calumnijs herfur bracht hat Weil aber veritendige leute sich hieran nicht keren / Sondern in so schweren sachen / bessere vnd Euidentiore probationes , starcken vnd redlichen beweis haben wollen So döiffen wir vns auch an Irenei geschrey nicht gros keren / was er aus Augustino anzeucht / wird in an diesem ortte wenig helfen denn er weis wol /

Beweis/das die Prediger zu Mansfelt

oder sollte es ja wissen / das Augustinus vielmal die Natur / so fern sie ein Wesen vnd Natur ist Gottes guttes geschöpffe nennet / damit aber wil er mit nichten das leren / das die Natur vnd Menschliches Wesen / also vnd dergestalt gut sein / das sie nach dem Fall noch rein / vnd one Sünde / vnd vnuerderbet blieben weren. Die Augspurgische Confession vñ Apologia, Schmalkaldischen Artikel Lutheri vnd Pomerani worte reden / von denen welche die Erbsünde verkleinern / vnd fergeben / die Natur sey noch volkomen vnd vnuerderbet. Also das der freye wille sich zur genade schicken / vnd in Geistlichen sachen / von jme selbs mit wircken / vnd beyfal geben könne. Wo wil aber Irenaus aus vnsern Schrifften auffrichtiger redlicher weise / war machen vnd beweisen / das wir jemals also geleret haben / oder noch jtz also leren?

Das vns entlich Irenaus Bg 3. vber das / das er vns als Manicheer / vnd Pelagianer verlestert vnd verlogen hat / auch mit den Sophisten / Erasmianern / Strigelianern / Freywilligen Herrn / Maioristen / werckheiligen / Antinomern / Schwencckfeldern / Widerteuffern / Calvinisten / Jüden / Weiden vnd Türcken vergleicht / ist wol schrecklich zu hören. Aber weil Irenaus als ein öffentlicher vnd nu mehr Landkündiger Calumniator, der das Maul pfleget volzunemen / vnd vmb eines worts willen einer guten groben Lügen nicht abbrechen wil / müssen wir jme seine lust hie lassen. Wir wissen aber / das Gott lob vnd danck / andere Leute anders von vns richten vnd vrteln / die vnser Schrifften gelesen / vnd vnser Predigten vnd Leren gehört haben. Derer zeugnis gilt bey vns mehr / denn Irenai verkerliches ligen vnd lestern / dawider wir vns mit des heiligen Ambrosij worten / der also schreibet / trösten; Bene sibi conscius, non debet moueri conuitijs

sich mit den altē Manicheern vergleichen.

uitijs : nec existimare , plus ponderis esse in alieno conuitio, quam in propriae conscientiae testimonio. Das ist. Wer ein gut Gewissen hat / darff sich an lesterungen nicht keren / auch sol er nicht dencken / das mehr an frembder verleumdung gelegen sey / als an seins eigenen gutten Bewissens zeugnis.

Gehets doch andern Leuten auch also / weil sie nicht billigen können / das man verschlagener weise den Sacramentarijßmum einführet / müssen sie leiden / das sie ausgeruffen werden fur Marcioniten / Samosatener / Sabellianer / Arrianer / Nestorianer / Eutybianer / Monotheliten vnd dergleichen. Also weil wir nicht Manicheer sein / noch leiden wollen / das man Manicheische reden vnd leren / in die Kirchen eindringen vnd beschöner sol / müssen wir vnsern Widersachern auch die ergesten vnd verdampften Ketzner sein / die je die Sonne beschienen hat. Aber Gott ist noch Richter auff Erden / der wird diesen mutwillen auch sehen vnd richten / Wir hüten vns durch Gottes Gnade fur der that / der Lügen wird auch entlich werden rath.

Also haben wir durch Gottes gnedige hülffe / in dieser Schrift zweyerley verrichtet / Erstlich erzelet vnd bewiesen / in welchen stücken vnd puncten / vnser Widersacher die jetzigen Prediger zu Mansfelt / sich mit den alten verdampften Ketzern den Manicheern vergleichen / also das sie eben ire worte / vnd meinung fahren vnd gebrauchen. Vnd haben hierinne nichts anders gethan / denn das wir irer beiderseits worte angezogen / vnd gegen ein ander gehalten / vnd lassen nu alle frome Christen dauon richten vnd aussagen / ob inen recht oder vnrecht geschehe das sie fur Manicheer gehalten werden / weil sie mit Manicheischen worten vnd munde reden.

Nachmals

Beweis/ etc.

Nachmals haben wir auch kurtlich/auff etliche gro-
be grewliche Teufeliche Calumnien des Lestereis Irenei
in welchen er vns den Manicheischen schwarm / vnuer-
schampter weise auffzudringen vermeinet geantwor-
tet. Vnd bitten von hertzen Gott wolle/dem grau-
samen vnd mutwilligen Lesterteufel entlich
stewren vnd weren/vnd vns in seinem ge-
wissen Wort vnd einfeltigen War-
heit bestendiglich erhalten /
vnd regieren/
Amen.



Gedruckt zu Eisleben / bey Urban
Gaubisch / Bohnhafftig auff dem Gra-
ben/den 14. Junij. Im Jar.
I 5 7 4.

5f 3998^a

If 3998^a

X2210844





26.

is vnd Erzelung/

hen stücken vnd

en Prediger zu Mansfelt/
den / sich mit den alten Ma-
eern/ vergleichen.

/vnd vielfaltige anforde 353
widerlegung beschwerlicher
mnen/geschrieben
Durch

Prediger zu
Eisleben.

Psalm. 59.

tel Sünde/vnd verharren
art / Vnd Predigen eitel
idersprechen.

S 7 4.